

明三十家詩選 六

信

程	李	林	孫
本	昱	鴻	蕢
立			
三	三	五	四
十	十	十	十
六	四	四	
首	首	首	首

柳田文庫
文庫11
D 173
6



文庫 11
D 173
6

明三十家詩選二集卷三上

錢塘 汪 端 允莊輯

孫 蕡 四十首

蕡字仲衍廣東南海人性警敏於書無所不窺詩文
援筆立就負節槩不妄交遊元末與王佐黃哲李德
趙介結詩社於南園以延名士時稱五先生何真保
有南海甚禮遇之明初征南將軍廖永忠兵至真乞
仲衍作書歸附不戮一人而南海帖然仲衍之力也
洪武三年領鄉薦尋授工部織染局使遷虹縣主簿
當兵燹後仲衍勞徠安輯民復業者甚衆年餘召爲
翰林典籍與修洪武正韻九年遣監祀四川復外補

柳田泉庫

010190557796

平原主簿坐累逮繫輸左校使築京師城垣謳吟爲
粵聲督工者以奏太祖召見命誦所歌詩皆忠愛語
乃釋之放還鄉十五年起爲蘇州府經歷復坐累謫
戍遼東二十六年帝誅涼國公藍玉窮治其黨有隻
字往來者皆坐罪仲衍嘗爲玉題一畫遂論死或謂
當上書自明仲衍不答賦一詩從容就刑時門人新
會黎貞亦戍遼東爲收葬之仲衍所著有通鑑前編
綱目孝經集善理學訓蒙和陶集等書多佚不傳其
詩文爲黎貞所編次凡九卷仲衍嘗讀書羅浮洞之
西庵因以名其集云

黃才伯曰仲衍詩初若不經意而氣象雄渾與喻深

遠駸駸乎盛唐之風

徐子元曰仲衍詩清圓流麗如明珠走盤不能自定
李時遠曰仲衍豪邁瑋麗足追作者其七言古體不
讓唐人

胡元瑞曰國初吳詩派昉高季迪越詩派昉劉伯溫
閩詩派昉林子羽粵詩派昉孫仲衍江右詩派昉劉
子高五家才力咸足維據一方先驅當代

朱錫鬯曰明初南園五先生仲衍才調傑出四人五
古遠師漢魏近體亦不失唐音歌行尤琳琅可誦微
嫌繁縟耳集句亦工如鶴羣長繞三珠樹花氣渾如
百和香秋水爲神玉爲骨芙蓉如面柳如眉繞籬野

菜飛黃蝶。繆徑楊花鋪白。瓊三湘愁鬢逢秋色。半壁殘燈照病容。去日漸多來日少。別時容易見時難。天若有情天亦老。月如無恨月長圓。舞低楊柳樓心月。香溼梨花夢裏雲。可稱巧合。

白紵四時詞

錄一

館娃宮畔風蕭蕭。芙蓉隕香楊柳凋。銀河影淡烏鵲橋。熒熒雙星麗碧霄。美人微醉臉紅潮。筵前舉袖吹玉簫。齊歌白紵鬪嬌嬈。越羅楚練風飄飄。此時奉君情欲絕。銅龍夜深宮水咽。銀床低轉梧桐月。

織婦詞

吳中白苧白如霜。春風入衣蘭麝香。二月城南桑葉綠。新

蠶初出微於粟。採桑日晏攜筐歸。夜半懸燈待蠶熟。繰成素絲經上機。兩日一疋猶苦遲。織成裁衣與郎着。妾寧辛苦教郎樂。家中貧富誰得知。郎無衣着他人嗤。
似王仲初

休洗紅

休洗紅。洗紅顏色落。莫思君。思君懷抱惡。君恩原不淺。妾命由來薄。君如白日不同光。妾有芳情向誰托。休洗紅。洗紅生寂寞。

梁崇一云。只傷命薄。乃深於怨者。

梁父吟

江水何深深。青楓映雲林。衡門一杯酒。抱膝梁父吟。君不見夷吾奮袂投南冠。故人薦引登君門。揚眉吐論下荆楚。九合冠裳朝至尊。又不見樂生徒走從西來。燕昭一擁箒。

調笑黃金臺。轅門一日建旌節。七十齊城生暮埃。古來英
俊人所遇。皆有立。袖有驪龍珠。能令鬼神泣。而我獨何爲。
幽宮凍蛟螫。荒蘿遶屋秋。雨涼山鬼吹。燈冷光溼。幾欲乘
雲朝太清。芙蓉縹緲白玉京。天田角井散飛霧。阿香布鼓
琅璫鳴。星辰可望不可卽。手把琅玕空復情。爲臣自古良
獨難。我更懷之摧肺肝。田疆古冶三猛士。昔者虎視青齊
間。誤羅相國二桃計。恨血今爲春草斑。白頭勳舊且如此。
何況新知無覩顏。梁父吟聲正苦。日落未落天星黃。西園
灌木秋楚楚。青青千里艸如霧。兀兀當塗高踞虎。長陵百
尺空嗟峨。夜半啼鴉泣風雨。世無女媧五色石。天柱欲倚
何人補。荊州水碧岷峨青。思美王孫渺何許。梁父吟聲苦

傷歌闌玉壺缺。白髮千丈長。起坐擊長劍。仰天悲流光。西
歸白日爲誰晚。東流之水何泱泱。青冥黃鵠倘垂翅。我亦
凌風隨爾翔。澄懷按此詩似感李善長賜
死之事觀白頭勳舊句可見

牧羊詞

隴羊尾。籊籊山虎毛。離離願得山虎死。隴羊長白肥。似劉
文成

長門怨

妾昔昭陽初入時。橫雲學得內家眉。風鬟霧鬢在君側。長
得君王不自持。侍宴前楹春爛漫。承歡別殿夜逶迤。西涼
絃索龍香撥。北苑蒲萄金屈卮。一從寵薄恩光歇。長門永
巷宣呼絕。斗帳香銷荳蔻垂。舞裙寬褪丁香結。熏籠夕倚

瑣窗雨。羅襪秋寒。玉階月。淒迷夢醒。心似灰。零亂憂來涕
如雪。橫塘浦口大江邊。女伴年年憶采蓮。雙飛翡翠渾疑
畫。竝蒂芙蓉不羨仙。入篋空悲紈扇詠。下堂長賦綠衣篇。
君恩若許重相見。缺月清光應再圓。神似初唐

擬古

岐路一尊酒。送君今遠行。交持未及竟。絲管激哀聲。冉冉
歲華暮。悠悠雲氣征。馳車戒往路。惻惻傷我情。我情默已
傷。歡愛不可忘。昔爲春花妍。今爲秋草芳。秋草芳有時。夫
君見無期。獨宿坐長夜。淚落如縷縻。白日儻回照。孤懷君
所知。梁崇一云不作絕望語用意溫厚

南園有佳人。窈窕桃李顏。容華一何麗。顧盼生光妍。進退

禮自防。秉德幽且閒。良媒候嘉意。君子希令言。鴻雁念儔
侶。睢鳩鳴河間。盛年若流水。隱處獨長歎。

羅浮歌寄洛陽李長史仲修

亭亭西樵峰。宛在南海湄。日華麗仙掌。影漾金銀池。我昔
扁舟縱長往。凌風浩蕩煙霞想。幽尋更欲探神奇。復向羅
浮事仙賞。仙家三十六洞天。羅浮夔與滄洲連。丹霞射影
四山靜。羣真環珮來翩翩。藥珠之峰數千丈。君時與我緣
蘿上。水簾直下飛晴虹。萬壑天風度。流響山中劉郎司玉
臺。仙書授我琅函開。心如明月爛虛照。身與浮雲同去來。
此時會合那能再。塵土分飛忽三載。我行奏賦登金門。君
亦乘輶度淮海。淮海迢迢煙樹深。相思歲晚結愁心。晴天

萬里碧雲遠。何由一寄還。山吟山中洞。房春寂寂。山中之人長歎息。松花酒。熟人不歸。瑤草東風。幾回碧。太白風格

題蘇名遠畫竹

蘇郎寫竹如寫帖。珊瑚爲枝。篆籀葉。寒梢不及三尺長。遠勢直與青冥接。青冥不辨西與東。雲光竹色俱空濛。飛廉排山振鸞鷲。霹靂迸火驚蛟龍。搜奇不獨竹色老。竹傍有石應更好。想其落筆當酒酣。人間屏幃愁絕倒。近時吳興趙子昂。最能寫竹窮青蒼。蘇郎晚山繼芳躅。湖海二妙相輝光。十年不到瀟湘浦。環珮空懷玉簫女。相期共泛書畫船。濃墨淒迷掃煙雨。

送翰林典籍張敏行之官西上

燉煌城下沙如雪。燉煌城頭無六月。關西勁卒築防秋。捷書夜半飛龍樓。九重下詔徵貔虎。推轂上將開都府。黃旗卷日大軍行。旄頭化石夜有聲。燉煌迢迢五千里。十月卽渡黃河水。上將翩翩才且雄。平戎不數貳師功。叱咤猶在輪臺北。匹馬已入渠黎國。左較偏裨晚射鵬。倚鞍醉索單于朝。西山黑風吹墮瓦。霜角吹秋塞垣下。太平今見遠宣威。君往從戎幾日歸。幕下文儒兼解武。詞林從此有光輝。周青士云嘉州遺韻

武昌別魯侍儀舍人文濬

嘖嘖復嘖嘖。人生交契真罕得。我居翰苑君儀曹。幾載相逢不相識。君名早已播南衢。出入金門早奏書。不謂同乘

建業水還來共食武昌魚。武昌魚肥春酒好。竟日流連得
傾倒。黃鶴樓頭葉亂飛。金沙洲上秋將老。狂歌謔浪清致
同。看君更有古人風。才如關西楊伯起。氣似城東陳孟公。
相親未幾還分手。可憐新知樂未久。君隨征雁入巴陵。我
挂雲帆泝川口。歸期去去各悽然。今夕星河共一天。秋晚
還期來促膝。與君同賦遠游篇。

廣州歌

廣南富庶天下聞。四時風氣長如春。長城百雉白雲裏。城
下一帶春江。少年行樂過狹斜。城南南畔最繁華。朱樓
十里映楊柳。簾櫳上下開戶牖。閩姬越女顏如花。蠻歌野
曲聲咿啞。嗟峨大舶映雲日。賈客千家萬家室。春風列屋

豔神仙。夜月滿江間。管絃良辰吉日天氣好。翡翠明珠照
煙島。亂鳴鼉鼓競龍舟。爭睹金釵鬪百草。游冶畱連望所
歸。千門燈火爛相輝。游人過處錦成陣。公子醉時花滿堤。
扶畱葉青蜺。灰白盤飢檳榔邀上客。丹荔枇杷火齊山素
馨。茉莉天香國。別來風物不堪論。寥落秋花對酒樽。回首
舊游歌舞地。西風牧笛怨黃昏。
梁崇一云四時風氣長如
春寫嶺南風土一語已足

湖州樂

湖州溪水穿城郭。傍水人家起樓閣。春風垂柳綠軒窗。細
雨飛花溼簾幙。四月五月南風來。當門處處荷芰開。吳姬
畫舫小於斛。蕩槳出城沿月回。菰蒲浪深迷白紵。有時隔
花聞笑語。鯉魚風起燕飛斜。菱歌聲入鴛鴦渚。
似薩雁門

雲南樂

成都賈客向人語。黎州多風雜多雨。雪山萬古長不消。山下四時風氣暑。竹林西畔是雲南。不論冬夏披羶衫。蠻官見客花布襖。村婦背鹽青竹籃。繩橋跨澗石。巖巖部落馬蹄皆。灌鐵引筒貫索。通客行。插木入崖防棧絕。鄆筒酒熟蠻人歌。太平今喜無兵戈。懸車不戍相公嶺。賣馬安行大渡河。牛纓換貨躋邛笮。路出彭門緣劔閣。火井秋篁截洞簫。幾腔吹作雲南樂。

送高文質遊杭州

君昔從戎佐南伯。歸朝名在驍騎籍。有兒截鎗能跨馬。請官得應長番役。繁華三月帝皇州。馳道千花過棗驕。豪俠

應憐白日晚。狹斜還作少年遊。玉瓶一雙和酒絡。九陌三衢縱歡譁。白雪猶兒翠毯鮮。石榴裙子春紗薄。今晨告我武林行。一束圖書畫舸輕。賓客追隨白下里。鶯花明媚石頭城。蘇堤雨餘春水長。三高祠下聞漁榜。冷泉濯足乘風歸。野寺聽猿共僧往。可憐雲水空西湖。畫船邇來一隻無。沉酣久矣厭流俗。清冷正可娛潛夫。武陵舊日豪華國。一願君弔遺跡。明朝白馬擁波濤。前代銅駝臥荆棘。銅駝翁仲事應非。惟有孤山似去時。君行若過逋仙墓。折取梅花一兩枝。結處見繁華不如冷澹之意微妙可思

送何都閩濟南省親至京還廣

伊昔關河事征戰。君家嚴君擁方面。君拜元戎領大藩。虎

旗耀日光於電。北山之北。南河南。鯨波虎壘。相巉巖。轅門
上日開。將闔白馬朱纓。銀作銜。軍中呼盧日向午。錦筵置
酒夜擊鼓。龍潭降卒解西歌。翁源女兒學東語。有時俘賊
珠海頭。海門六月如九秋。牙旗揮天虎豹怒。霹靂迸火魚
龍愁。銀漢淋漓洗穹昊。嚴親入覲承恩早。角巾還第誰最
高。君與君家兄弟好。搗來寧親東入齊。歸舟一繫蔣陵西。
鶯花爛漫春如海。歌舞流連醉似泥。蟾溪高杉故部曲。開
宴斗門橋下屋。宣州梨子鵝兒黃。吳姬指纖白如玉。酒酣
耳熱悲故鄉。孫蕢在座情更傷。關河北去五千里。目斷南
天如許長。秦淮水生風似雨。十幅蒲帆醉中舉。龍灣江口
辭故人。小孤洲北失前侶。知君第宅遶西湖。門對羅浮列

畫圖。梅花白白想猶昨。盧橘青青今有無。三郎今年三十
幾。平生與蕢最知己。明歲春還若寄書。玉堂華館西清裏。

次武昌

澄懷按此詩或作陳白沙誤

大風吹船如馬走。船頭水聲作牛吼。掛帆初發岳陽磯。轉
柁俄灣武昌口。武昌城頭黃鶴樓。飛簷遠映鸚鵡洲。漢陽
樹白煙景溼。行人如鷗沙際立。江南風土寒氣遲。居人九
月着絺衣。酒旗臨江開竹屋。當爐小姬能楚曲。蜻蜓船尾
旋回風。今夕停船酒家宿。

題錢叔昂瀟湘圖

遠山如遊龍。近石如踞虎。秋陰迢迢樹。楚乃是洞庭瀟
湘之極浦。西來白波浮太虛。鬼物似與空濛俱。潭深蜃氣

結樓閣。鮫人踏浪隨游魚。織綃更泣明珠。綴成懸璫素
裙襦。九疑並迎翠華輦。絳節影低羣真趨。須臾長風起木
末。高林側亞葉亂脫。浮雲散盡天宇豁。雲水遙連帶青澗。
蒼松翠竹黯未分。殘霞斷靄餘斜抹。錢郎毛骨清。畫此兼
衆妙。恍疑一葉寒流中。雨後開蓬展清眺。日落君山吹鳳
簫。水雲相間作簫韶。荒祠二女應魂斷。試把芙蓉天外招。

捕魚圖

小孤洲前春水綠。泛湖小舟如小屋。白頭漁父不解愁。往
來捕魚湖水頭。得魚換米納官稅。妻孥衣食長優游。大兒
十三學網罟。小女七歲能搖舫。江口賽神夜吹角。村邊賣
魚朝打鼓。雨來維梢依古岸。風起鳴榔入長浦。荻芽短短
桃花飛。鰕魚上水鱒魚肥。鱸魚燒笋醉明月。蠻歌唱和聲
唧唧。明月在天光在水。但願年年只如此。無風無浪常安
眠。湖中有魚魚得錢。

往平原別高彬

銀壺綠酒沾春宴。環珮朝回奉天殿。平生不作兒女悲。獨
向高彬淚如霰。高彬昔年桑梓雄。好賢乃有古人風。東林
詩社靜來結。北海酒樽長不空。竭來弓劍已蕭索。短髮如
絲猶好客。塞上葡萄火齊紅。宣州梨子鷺兒白。沉綿不獨
重相知。文采今還勝昔時。小樓焚香每讀易。淨几把筆常
題詩。今晨我作平原別。高彬不意情欲絕。芙蓉香冷不堪
贈。楊柳枝黃未宜折。龍灣江口石城頭。一幅蒲帆萬里秋。

暮雲紅樹儻相憶。應有音書慰別愁。

次歸州

歸州城門半天裏。白雲晚向城下起。市廛架屋依巖巒。婦
女提甕汲江水。巴山雪消江水長。城中夜聞灘瀨響。客船
樹杪鈎石稜。漁父雲端晒罾網。家家蕪田山下犁。倒枯大
樹燒作泥。居人養犬獲山鹿。稚子縛柴園野雞。楚王臺高
對赤甲。四時猛氣長颯颯。柁工鳴板避漩渦。榜聲遙上黃
牛峽。梁崇一云
逼真老杜

下瞿塘

我從前月來西州。錦官城下十日留。回船正值重九節。巫
山巫峽風颼颼。人言灑瀕大於馬。瞿塘此時不可下。公家

王事有程期。敢憚微軀作人鮓。人鮓囊頭翻白波。怒流觸
石為漩渦。柁工敲板助船客。破浪一撇如飛梭。灘聲榜聲
歷亂聒。緊搖手滑檣。易脫沿洞。劃轉如旋風。半側船頭水
花沒。船頭半沒船尾高。水花作雨飛鬢毛。爭牽百丈上崖
谷。舟子快捷如猿猱。停船把酒聊自勞。因笑吾生真草草。
吟詩未解追謫仙。萬里經行蜀中道。巴東東下想安流。便
指歸州向峽州。船到岳陽應漸穩。洞庭霜降水如油。梁崇
一云
描寫下瞿塘之
險筆無遺力

羅浮

四百峰巒列海圖。飛雲絕頂敞玄都。丹砂五色時光焰。紫
翠中天半有無。觀裏松株皆住鶴。山中竹葉盡成符。鐵橋

歸去尋清賞。沉醉仙人白玉壺。

江上

江上青楓初着花。客帆和月宿蒹葭。過雲疎雨數千點。臨水小村三四家。風起漁船依釣石。潮回歸雁認平沙。秋懷已向南天盡。又是滄洲閱歲華。

懷四川

草堂煙樹入青霄。漢殿荒臺秀黍苗。宇宙詩名今尚在。風雲霸氣未全銷。寒星夜落支機石。錦水春明駟馬橋。載酒清游成昨夢。西風蓬鬢影蕭蕭。

至儲潭廟留題

五老峰微楚路分。贛灘猶禮洞庭君。行空鐵馬寒嘶霧帶。月蒼龍夜吼雲璫。珮倩誰招帝女。桂漿聊復奠靈氛。清吟

寄遠成孤絕。思入滄江白雁羣。

懷白雲山房

家住滄洲洲上山。數椽茅屋白雲間。天晴疊嶂開金碧。雨過清泉響珮環。野興別來長寂寞。故人誰與共躋攀。洞門猿鶴應相憶。何事先生久未還。三四不須刻。琢自然華爽。

思家古河

古河煙草暗南天。此去鄉園路幾千。燕子來時春寂寂。海棠開後雨綿綿。滄江水遠吟詩社。綠渚花明載酒船。更憶故人王給事。愁來書破薛濤箋。

寄王彥舉

明三十家詩選卷之三十一
綠楊陰下玉驄嘶。絲絡銀瓶帶酒攜。夢入南園聽夜雨。不知身在蔣陵西。
澄懷云仲衍七絕明秀在骨
清脆在聲最得唐人三昧

秋閨思

涼夜簫聲處處過。玉樓高起逼天河。西風瘦盡梧桐葉。添得西窗月影多。

關門書所見

隱隱旌旗颺落暉。方山遙望錦城圍。平蕪一帶香塵合。知是諸王射獵歸。

龍江夜泊

蔣山山頭秋月明。龍江江上暮潮生。行人又是金陵客。臥聽西風鼓角聲。

王孫圖

東風馳道直如弦。琪樹春陰護馬韉。從幸少年初賜錦。數聲啼鳥落花前。

四皓圖

只合餐芝老萬山。誰教鶴髮動龍顏。蛾眉對酒歌鴻鵠。怨入商林紫翠間。

出蜀

白帝秋高木葉黃。蜀中長是雨浪浪。瞿塘水落漩渦小。一路看山到岳陽。

松

雙松如蓋倚雲長。曾憶匡山問草堂。拂石坐來龍影溼。半

陂春雨茯苓香

山居寄靜上人

遠公蓮社久相招。老大無心到石橋。遙想東林山月出。白猿啼處樹蕭蕭。

過揚州

江上垂楊覆白蘋。隋宮芳草學羅裙。珠簾十里今何在。一帶寒城鎖暮雲。

訪某駙馬不遇題壁

踏青都尉未還家。貴主傳宣坐賜茶。十二闌干春似海。隔窗閒殺碧桃花。

附錄

李

德九首

德字仲修番禺人博覽羣籍尤邃於經學洪武初以明經薦授洛陽長史繼遷濟南西安二郡幕官並能其職政暇徧覽帝王遺墟嘗著論謂西安南陽皆天下大形勝所在建不拔之基當擇而都之江東非其匹也士林韙其識以年老乞改漢陽教諭當兵後鬻舍久廢生徒咸不知向學仲修盡心訓迪文教漸興秩滿改廣西義寧知縣久之解官歸卒仲修初好爲詩晚究洛閩之學謂誠意爲古聖喆心要故嶺南稱理學必曰李仲修云所著有易庵集多散佚不傳嘉靖中閩人陳暹搜訪殘稿合孫蕢王佐黃哲趙介詩

明三才詩選三集卷三十一
刻之卽世所傳南園五先生集也其四卷

朱錫鬯曰長史詩好效長吉孫仲衍嘗戲之曰子誠混元皇帝孫也然其詩恬澹實與長吉相遠

亭亭水上蕖

亭亭水上蕖。皎皎沼中藕。花落子亦成。色衰心不朽。中藏千萬絲。處污恒自守。不學楊白花。隨風入窗牖。梁崇一云樂府遺響

種蔴

種蔴滿東園。種花亦盈畝。蔴生但芄芄。花發映戶牖。容華能幾時。零落他人手。豈如爲締綌。與君同永久。

柳塘書舍圖

遠山出白雲。近水明秋色。煙波漫浩浩。日暮歸舟急。隱約

叢薄間。茅茨倚蒼石。中有柳塘翁。相看似相識。

棲雲庵

石室凝紫煙。空洞懸石乳。陰崖含風泉。終日灑飛雨。臨流結精舍。六月不知暑。道人養清虛。適與高僧處。諸幻旣遠離。白雲日相與。何當謝時人。來作塵外侶。

送友歸真定

君自邯鄲來。復向邯鄲去。邯鄲月色好。夜照江南樹。太行多峻坂。中有羊腸路。往來不憚勞。知君爲親故。

秋情

蠟炬搖紅紗。隙凍沉香帳。底鴛鴦。夢芙蓉。波冷薄霜凝。一夜離鸞憶。單鳳梧。桐金井。曙啼鴉。夢郎封侯歸妾家。開門

白掃枇杷花。温李合作

立秋日登漢陽朝宗樓懷鄉中諸友

湖山興不淺而我亦淹留得罪緣微祿懷君屬早秋澹雲
鄉樹遠孤月旅情幽借問衡陽雁何時到廣州

寄馮朝泰

金陵昔會面一別杳無音故國秋雲合大江春水深宦情
同契濶老景各侵尋縱有衡陽雁何由寫宿心。梁崇一云三四寫景而情自見

寄妻弟鄭子玉

年年畱滯漢江頭華髮蕭蕭不奈秋夢斷鄉關猶是客望
窮煙水更登樓西風鴻雁來芳信南紀親朋憶舊游聞道

菊松無恙在可能歸去覓菟裘

黃哲四首

哲字庸之番禺人少孤貧刻苦為學嘗借人文選手
抄之沉玩究竟遂能作詩性好山水結廬蒲澗棲息
其間往來羅浮峽山南華諸名勝後出游吳楚燕齊
止于秦淮太祖駐師金陵建吳國有薦庸之才者拜
翰林待制入書閣侍太子讀書尋兼典籤帝賦詩多
命賡和洪武初奉使青徐尋出知東阿縣吏胥初以
儒士易之庸之剖決如流案無畱牘且不事苛察民
樂其寬值旱詣洪範池祠禱詞旨哀惻即得甘雨民
喜曰此黃公雨也狼溪有怪物能為幻竊人啗之庸

之爲文禱於天俄雷雨大作一青蛟斃水上邑人訝
以爲通神時經毛貴亂後民多流徙他處聞庸之善
政皆復業四年擢東平府通判是歲黃河決梁山中
書省發民疏濬庸之董東平之役經畫有方民不告
勞事竣上疏陳時務數十事忤旨放歸八年召回山
東以他事註誤竟坐誅時人莫不寃之庸之始北上
時倚蓬聽雪詫曰天下奇音莫是過也歸構一軒名
聽雪蓬故所著曰雪蓬集

朱錫鬯曰庸之五古源本六代七言亦具體唐音品
當在仲衍之下彥舉之上

汪端論曰仲修庸之詩皆蒼秀有古格惜所傳不多

耳

過梁昭明太子墓

帝子降南浦。飄飄蒼桂陰。神飈迴震闕。元跡闕坤岑。鳳陵
輝璞蘊。龍沼媚珠沉。文藻絢華馥。芳芬揚素襟。遺編軼正
雅。曠代馳徽音。玉馬風雲變。金鳧歲月深。霜蘭秋被坂。煙
蘿夕翳林。采蘋思永薦。捐玦遂幽尋。靈修忽爾逝。歲宴勞
予心。遼東鶴馭遠。緱嶺鸞笙吟。眇眇因懷昔。營營徒慨今。
瑤華竟衰歇。惆悵雍門琴。黃才伯云混選
詩中不可甲乙

醉歌行爲鄜復初雄飛昆仲賦

昨日風雨中。我來自西山。不知春早暮。花落長林間。林間
幽人心事閒。相逢一笑開雲關。問我別來春幾度。五見飛

花滿行路。黃橙丹荔繞池栽。清水離離照芳樹。登高酌我黃金罍。傾情寫意無嫌猜。攜觴復就花下飲。烏啄餘花鋪綠苔。我惜落花君莫掃。乘興卽來坐芳草。江山如此多閔人。與君相期恨不早。君家伯仲多材雄。白眉更是人中龍。東山還着謝公屐。百世行藏安得同。爾曹曾辭鶴書召。余亦蹉跎走荒嶠。華髮盈簪已自慚。烏巾折角從人笑。悠悠行路心。惟君可知音。南冠發楚奏。拂拭瑤華琴。商聲淒淒夜沉沉。酒酣悲月出林終。然苦調不可聽。爲君更賦還山吟。他年訪我桃花洞。洞口花殘春正深。梁崇一云神致淋漓

烏棲曲

九月過姑蘇。江頭霜草枯。北風吹葉盡。愁殺夜棲烏。棲烏

月明裏。霜重驚還起。無處托安巢。啞啞渡江水。江波淺復深。東去無還心。白苧同綺吳宮曲。能成哀怨音。只言歡樂長相保。青春幾時秋。又老可憐西子斷腸花。不及虞姬美人草。舞罷垂楊金縷衣。椒房絳燭明星稀。越騎爭馳海山動。吳歌尙繞梁塵飛。梁塵飛。飛白苧。哀烏啼。夜半閭門開。鴟夷浮江麋鹿來。明月猶照姑蘇臺。

送劉仁仲昆季還浙東

沈憂自多緒。復此送歸人。昨夜淮南雨。不知芳樹春。竭來持別酒。相與慰茲晨。日暮行艤渺。東南瀾越津。

邱濬十一首

濬字仲深瓊山人七歲能詩讀書過目成誦舉鄉試

第一景泰甲戌成進士改庶吉士授編修歷官國子祭酒時經生文尙險怪仲深主南畿鄉試分考會試皆痛抑之及是課國學生尤諄切告誡返文體於正尋進禮部侍郎掌祭酒事以真西山大學衍義於治國平天下條目未具乃博採羣書補之孝宗嗣位表上其書帝稱善命所司刊行特進禮部尙書掌詹事府事宏治四年加太子太保兼文淵閣大學士參預機務年七十一矣明年上疏陳時政得失言極切直帝納之六年以目疾免朝參仲深在位嘗以寬大啟上心忠厚變士習然性褊急多忤與吏部尙書王恕素不相得恕考察天下庶官奏罷二千餘人仲深奏

非貪暴有顯跡者勿斥畱九十人恕爭之不得求去後竟爲太醫院判劉文泰訐罷人疑疏稿出仲深手以是公論不滿之八年卒贈太傅諡文莊仲深廉介自持所居邸第極湫隘四十年不易博極羣書尤熟國家掌故所著詩文甚富門人蔣冕刻其文曰瓊臺類稿凡五十二卷詩曰吟稿凡十二卷嘉靖中鄭廷鵠選刻十二卷名會稿天啟初仲深裔孫爾毅合諸稿遴爲二十四卷名重編會稿行世又有家禮儀節世史正綱平定交南錄等書

程克勤曰公詩如仙翁劍客隨口所出皆足驚人雖雅俗正變體裁不一而格律精嚴不失矩度

朱錫鬯曰文莊於詩不事鍛鍊而矩度自合其與友人論詩絕句云吐語操持不用奇風行水上繭抽絲眼前景物口頭語便是詩家絕妙辭其言未嘗不是第恐學者因之流於率易墮入定山一派也

汪端論曰文莊詩別出機杼語蓋雷同其學問淹通雍容臺閣亦有明文人之達者而褊心自用多所排詆是以不得與李長沙比肩且其論古好翻成案如絕元不與正統譏許衡不當仕元均屬矯枉過正流入僻謬最甚者貶岳忠武而譽秦檜是謂好惡拂人之性雖免園陋儒聞之莫不裂眦掩耳豈特貽誚有識哉

古意

千金買寶刀。百金買角觶。寶刀頭有環。角觶能解絲。殷勤寄遠人。用以慰所思。所思不見察。幽獨甘自怡。

採蓮曲

蓮花紅。蓮葉碧。紅似妾容妝。碧如妾髮色。輕紅易落碧易衰。情人道來竟不來。停撈轉棹日過午。藕絲斷盡蓮心苦。

梁崇一云君臣之間功名之際有不得志欲言難言者古人每托爲夫婦離別思憶之情以寫其意讀者勿作豔情麗語忽過

搗衣曲

涼飈透窗紗。蕭蕭弄秋色。妾在江南尙不堪。況君遠在陰山北。風吹妾身寒。妾念君衣單。起來搗衣明月下。寧辭簪

力摧心肝。

夜坐和曲江感遇詩韻

深源無淺流。高樹無卑枝。人生天地間。奮發須有為。不見東注波。逝者恒如斯。心中苟自盡。意外非所知。嗟爾亡羊者。紛紛多路岐。梁崇一云。達天安命可。想見邱公生平學力。

擬古

依依重依依。不忍生別離。別離已可悲。況值秋風時。柳衰不堪折。情苦不堪說。願妾為小星。君身化明月。明月貼天飛。小星恒相隨。月出星隨出。月歸星亦歸。莫學秋胡妻。相逢不相識。生者固可慙。死者亦何益。梁崇一云。音情俱刊。

秋懷

草木忽變衰。悽然感我心。鳥飛日向暮。豈不懷故林。閱人日以多。涉世日以深。高官世所慕。直道古所欽。青青海中山。遙遙山上岑。行行即可到。決意須在今。有山不歸去。何勞憶山吟。

題李將軍春游細柳圖

日華淡淡雲陰薄。兵衛森森擁鈴閣。旌旗不動柳風輕。劔戟無聲花雨落。將軍新試越羅衣。兩袖春風拂地垂。閱遍三軍超距樂。晚涼乘興詠歌歸。梁崇一云。警言鍊流逸。

寄題金山寺

岷江萬里下。梵刹半空開。吳樹風吹斷。淮山水蕩迴。潮聲雜鐘磬。波影動樓臺。千載張公子。題詩會再來。

金陵卽事

六朝宮闕久蒿萊。紫蓋黃旗帝運開。鳩鵲漏傳雲外觀。鳳
凰簫奏月中臺。千山峰勢連吳遠。萬里江流自蜀來。此日
金陵非昔比。蘭成詞賦莫興哀。

客中對月

萬里思歸客。傷心對月華。願隨今夜影。回照故園花。

古意

獨守空閨不自憐。憐君歲晚尙防邊。秋來莫作還家夢。妾
貌於今異少年。

明二十家詩選二集卷三下

錢塘 汪端 允莊輯

林 鴻 五十四首

鴻字子羽。福清人。博學能強記。洪武初。以人才薦授
將樂縣訓導。居七年。擢拜禮部精膳司員外郎。太祖
臨軒試龍池春曉孤雁二詩。稱旨。一日名動京師。時
治尙操切。子羽性脫落。不善仕。年未四十。自免歸。益
肆力於詩。久之。卒。其論詩。大指謂漢魏氣骨雖雄。而
菁華不足。晉祖元虛。宋尙條暢。齊梁以下。但務春華。
少秋實。惟唐作者。可謂大成。然貞觀尙沿故習。神龍
漸變。常調開元。天寶間。聲律大備。學者當以是爲楷。

式與鄭定王褒唐泰高棟王恭陳亮王儻及子羽弟子黃元周元稱十才子閩人言詩者皆宗子羽之說所著有鳴盛集四卷又名膳部稿

胡元瑞曰子羽諸體皆工五言尤勝置唐錢劉間不復辨別七言如珠林霽雪明山殿玉澗飛流帶苑牆氣色高華風骨道爽

蔣仲舒曰子羽命才充裕標格華秀雖以堤柳宮花之句得名他作實多勝者

顧玄言曰林員外才情藻麗如游魚潛水翔鳶薄天高下各適其性

沈確士曰子羽宗法唐人繩趨尺步論者以唐臨晉

帖少之然終是正派

汪端論曰仲衍子羽詩皆以盛唐爲軌仲衍以才情勝子羽以風格勝擬之司空詩品仲衍如月明華屋畫橋碧陰子羽如明漪見底奇花初胎雖無巨及摩天鯨魚掣海之槩然春容大雅視率易麤獷貌爲杜韓者有上下床之分矣迨至隆萬啟禎剽竊盛行旁流雜出之時粵則有區海目鄭湛若陳元孝屈華夫等閩則有徐惟和興公曹石倉謝在杭等皆卓然名家可謂永嘉之末復聞正始之音朱竹垞言明詩凡數變獨粵閩風氣始終不易則二人開創之功不可沒也○小說家載仲衍游羅浮夜經朝雲墓徘徊憑

弔明日見僧寺廊壁有集句詩十首後書羅浮王仙
姑月夜有感而作又夢一女子自稱蘇長公妾朝雲
歌集古十五絕句云云按其詩今載仲衍集中蓋其
游戲之筆亦文人習氣未除也若子羽與張紅橋倡
和諸詩事既涉於輕薄詩皆淺俗不似出子羽手凡
此種有累詩品不止白璧微瑕而世之小有才者每
豔稱之可謂無識

無諸釣龍臺懷古

無諸昔建國赤土疏王封築臺青冥上垂釣滄江龍乘龍
去不返千載如飛蓬只今荒臺上寂歷多遺蹤我有太古
懷來吟江上峰天青海氣滅地古寒煙濃潭水綠萬丈秋
岑碧千重登臨未能已落日催孤鐘

飲酒

儒生好奇古出口談唐虞倘生羲皇前所談竟何如古人
既已死古道存遺書一語不能踐萬卷徒空虛我願但飲
酒不復知其餘君看醉鄉人乃在天地初曠達不讓陶公

金雞巖僧室

遠公青蓮宇百尺構雲闕一徑入松蘿山泉濯苔髮石房
彈玉槩清響在林樾夜來滄海寒夢遶波上月微吟白雲
篇高興了未輟不能悟聲聞安在離言說沈確士云夜來十字得常建神理

遊芙蓉峰

明三十家詩選二集卷三十一
密竹不知路。渡溪微有蹤。懸知石上約。定向松間逢。物候變黃鳥。菖蒲花蒙茸。相望不可接。裊裊霜天鐘。

終南積翠

終南太古色。積翠無冬春。陽厓俯荆楚。陰壑開函秦。碧樹曉未分。蒼蒼散參辰。下蟠螭水籠。上有避世人。有時浮爽氣。拄笏可攬結。安得構精廬。談經對松雪。

畱別諸子

秋堂闕虛寒。晚竹引深翠。與然孤燈坐。興與一壺對。天冷霜滿襟。露飲月窺醉。曲盡別意深。相看發長喟。

精巖寺

香刹象天界。名僧辭世氛。一峰獨凌削。衆壑相氤氲。作禮

向金仙。宴林投鶴羣。於時春向暮。林亭藹餘曛。蒼然草木氣。盡溼西江雲。登閣見千里。眇懷滄海濱。山鐘忽播蕩。應此悟音聞。又有句云。微雨古潭暝。禮星寒殿開。一鳥鏡天淨。萬花潭雨香。皆不減王韋。

道中偶詠

林館夕暫休。星駕曉仍發。沉沉樹若煙。浩浩溪如雪。白首倦長途。青山笑予拙。

送吳士顯

吳生跌蕩人。脫略當世事。欲識平生心。悠悠江海是。布衣何飄飄。孤劍千里至。斗酒未及歡。看雲起歸思。長風吹古城。寒日下秋水。分手從此辭。車塵望中起。

同鄭二宣江上泛舟

載酒入江色。酒多江復長。酣來散子纓。濯向春流香。東壁
過疎雨。西崦殘夕陽。猿禽相嘯叫。雲水共清蒼。夕景更汎
覽。客程殊未央。魚風葦上起。蚌月波中光。嘗以事泮渙。永
期名迹忘。乘槎子豈必。聊復咏滄浪。精練似
大謝

齋中曉起

颺颺城鴉散。蓼蓼戍鼓絕。空庭寂無人。衣上有殘月。爽氣
山前來。吾襟抱冰雪。

感秋

撫劍中夜起。氣候何淒清。天高白露下。北斗當前楹。嗷嗷
雙飛鴻。隨陽亦宵征。微禽爾何知。寒暑嬰其情。始知玩物
化。中復念吾生。三十志有立。一經尚無成。緬懷古哲人。信

與大運并道在。無終始時來。暫衰榮感歎不能廉。延首東
方明。

秋江獨釣圖

清颺晚漚漚。白水明濯濯。投竿坐獨釣。風葉衣上落。吾心
與天遊。寧知取魚樂。

夢清冷臺寄冶城舊遊

羣山際海上。道山獨蒼蒼。上有清冷臺。碧蘿蟠石床。伊昔
盛冠蓋。琴樽此徜徉。暮色海天冷。秋聲松澗涼。今來阻登
臨。獨有夢飛揚。題寄同心侶。願因南雁翔。

訪陸隱君不遇

結屋依兩崖。疑是秦人家。不見山中人。風落青松花。掃石

調素絃。尋泉飯胡麻。願因玉麒麟。緘書投紫霞。

石竹山紫雲洞

羣峰際東海。一峰凌紫雲。昔人煉丹處。石室莓苔紋。飄飄龍虎車。卽此上丹闕。惟畱白鶴影。宛在青松月。下有靜者廬。其人頗瀟灑。一水落天鏡。萬花明石窗。藥食有時暇。還來扣巖關。心與魚鳥樂。身隨天地閑。伊予困流俗。十載未應還。長歌賦招隱。夢遶天涯山。

題徐賁湘潭離思圖

荆南不堪別。孤棹向何處。人分鴻雁秋。樹帶瀟湘雨。離思巨重襟。登高但凝佇。

江閣秋雲圖

山容初斂夕。雲氣已歸壑。何以散冲襟。孤琴坐江閣。美人期不來。天寒楓葉落。

登清冷臺

金。秋。宿。桂。月。際。曉。登。清。冷。揮。手。援。碧。蘿。騰。身。棲。翠。屏。長。風。吹。雨。來。不。見。羣。山。青。鳥。度。白。雲。溼。龍。歸。滄。海。腥。眞。僧。此。巖。棲。觀。空。靜。襟。靈。竹。塢。見。曝。衣。花。臺。聞。演。經。沃。以。甘。露。言。迷。途。醉。而。醒。願。言。割。茲。愛。永。也。投。禪。屨。

鐔上送僧歸衡山

上人孤閑似雲鶴。十五出家住衡岳。說法能超最上乘。持心不受羣疑縛。世上誰知來去蹤。南窺太華北游嵩。衲經雁蕩。千峰雪定入峨眉。半夜鐘于今戒臘。青松古猶泛慈。

航到東土。楊柳舟中九曲雲。笋皮笠上三山雨。昨夜歸心
繞楚天。西風杖錫又茫然。化龍潭畔清秋別。回雁峰頭舊
日禪。

出塞曲

十五薊門行。能探曠騎情。潛兵秋度磧。牧馬夜歸營。苦霧
沈旗影。飛霜溼鼓聲。昨來承密詔。東築受降城。

題福山寺陳鉉讀書堂

窮經不出戶。一室古珠宮。燈影秋雲裏。書聲晚磬中。開窗
明竹雪。散帙落松風。料得無人到。焚香對遠公。語帶煙霞

畱別蔡秀才原

別離無遠近。暫去亦傷神。正是千山雪。誰悲獨往人。江空

螺女夜。花暗冶城春。不見同游侶。酣歌淚滿巾。

情思綿邈

江上寄巴東故人

我憶巴東客。長爲江上吟。楚雲將夜夢。湘月寄愁心。落日
青楓樹。秋風白帝砧。遙傳一紙淚。讀罷想沾襟。

宿雲門寺

龍宮臨水國。鳥道入煙蘿。海曠知天盡。山空見月多。鶴歸
僧自老。松偃客重過。便欲依禪寂。塵纓可奈何。超脫

送周生往雷州

寧親歸未得。念子復南征。風雨孤舟別。滄波幾日程。挂帆
辭海國。吹笛上邊城。旅館知相憶。新秋有雁聲。

秋日同韓元登凌霄臺

故人多逸興。攜手上高臺。賦爲閑居作。懷因遠眺開。秋陰將日去。雁影帶寒來。歸路瞻衡宇。松門掩綠苔。

早秋寄林八先輩

澤國風雨後。貧居離索情。亂蛩鳴曙井。一葉下秋城。薤簞邀涼早。荷衣却暑輕。清冷臺畔路。攜手幾時行。

送高郎中使北

漢使臨邊日。天驕已請和。看花辭紫陌。犯雪渡交河。水草留行帳。雲沙想玉珂。從來清漠北。婁敬策屈多。沈確士云風刺得唐

人

贈僧

朝衡暮復嵩。那識白雲蹤。度蹟逢馴象。浮河亢毒龍。衲經

何限雪山過。幾多峰。年老無筋力。方懷故院松。似張水部

西峰寺

西峰雲外寺。鳥道薜蘿蟠。水接花源遠。山藏古殿寒。石牀閑聽雨。野佩或紉蘭。莫怪棲遲久。南宮已絰冠。

宿洽公房

一入維摩室。逢人宿鶴羣。鳥驚春嶂月。花臥夜溪雲。漱齒發清諷。焚香了梵文。泠然鐘磬動。應得悟音聞。

畱別陳令大有

相知嗟久別。相見復離羣。別路隨秋雨。回車入暮雲。楓林千葉落。河水數支分。若見空梁月。含情定憶君。

送卞從事之河南

翩翩玉面驄。去去逐秋蓬。見雁辭閩海。看山到洛中。營門
閑步月。賓館靜唫風。共說歸來日。籬花已滿叢。

遊方廣巖

元巖太古色。恍若入鴻濛。一徑攀躋盡。諸天杳靄中。雲歸
山殿冷。月出水簾空。境靜離言說。泠泠松桂風。清迥

送陳鍊師歸龍虎山

鶴書歸未久。秋思夢瑤峰。海上看山別。人間何處逢。煙蘿
深見月。洞府暗藏龍。辟穀方無術。憑師問赤松。

送友人

高邱晴見海。送別一登臨。落日扁舟去。秋風萬里心。江楓
寒墮葉。山店靜聞砧。行矣無餘物。隨君有鶴琴。

畱別周彥

心知三十年。此去重潛然。絳席趨京闕。看雲別海天。溪橋
寒吐月。驛樹晚藏煙。仁者多言賸。希君白雪篇。

爲釋東旭詠白蓮

澹月瑤池夜。微風太華陰。翠翻擎露蓋。玉冷墜波簪。一洗
有爲法。應同不染心。誰能招惠遠。結社向東林。取題之神

呈浦舍人

無諸臺下乍秋風。客舍逢君興不窮。性僻共耽詩句險。愁
多却仗酒杯空。平蕪一騎經吳苑。涼雨孤舟夢晉宮。明日
又從江上別。曲闌愁倚送飛鴻。

海口道上懷鄭二宣

露下菰蒲有雁聲。曉驂初發宿寒輕。新知乍別孤吟倦。舊國重來百感生。黃葉閉門逢野寺。白波侵郭見江城。家林暫別堪惆悵。翻憶浮丘海上行。

將歸冶城雷別陳八炫林六敏

南宮歸後歲蹉跎。此日逢君奈別何。野館解鞍行客飯。寒山對酒故人歌。蒹葭水國孤鴻度。橘柚霜林疋馬過。為報已無軒冕夢。清冷臺下臥煙蘿。

憶龍門高逸人

浮亭露飲玉樽空。千里心期此夕同。海路想經春草綠。越吟愁對夜燈紅。他山花發啼鶯後。別浦帆歸細雨中。聖代祇今無隱逸。不應多病臥孤蓬。朱笠亭云纏綿曲至一往情深

出江蘭若送浦舍人歸晉陽

離亭征騎曉駢駢。正值關河朔雁飛。白髮相看閩海別。青山遙送晉陵歸。江城雨外蓮峰出。野寺霜前柿葉稀。自愧忘情非上知。臨歧唯有一沾衣。

秋江離思圖

粵城衰柳拂金堤。雨裏秋襟惜解攜。客散江亭聞斷雁。酒醒沙館候鳴雞。楓橋夜冷吳謳起。笠澤天寒楚望迷。天路雲山從此別。一封愁札為君題。

送林一歸山中

棟花雨裏醉逢迎。南國看山又送行。求侶暗驚春草色。還家愁逐暮江聲。殘陽向野聞邊笛。遠樹登樓見海城。誰念

長沙遷謫久。懶從季主問君平。

寄逸人高漫士

獨倚城南百丈闌。粵鄉秋思浩漫漫。平臺樹色催殘照。近郭砧聲報早寒。雲物正當搖落後。關河終念別離難。龍門別墅今宵月。誰與相同把酒看。

秋日遊東苑應制

長樂鐘鳴玉殿開。千官步輦出蓬萊。已教旭日催龍馭。更借春流泛羽杯。堤柳欲眠鶯喚起。宮花乍落燕啣來。宸遊好把簫韶奏。京國於今有鳳臺。澄懷云五六一字百媚應制有此宜孝陵賞之

送朗上人歸匡廬

浮杯渡海寄行蹤。歸去匡廬若箇峰。月滿空山行迹遍。心

通萬法看經慵。蘿深自識雲中寺。秋晚遙尋澗底鐘。共有東林蓮社約。寒流石上幾時逢。

歸冶城辱羣公追餞至江亭

梅風初熟布帆歸。相送勞君到翠微。遠樹啼鶯畱客醉。高林深竹見僧稀。江心絕島晴浮出。雨外孤雲溼倦飛。浦澈白鷗如有待。想應知我拂朝衣。

懷友人陳三源

浮雲聚散幾悲歡。久客懷歸憶萬安。門對西山朝氣爽。城臨東海暮潮寒。身隨斷雁兼秋遠。夢入疎砧向夜闌。爲問松蘿舊游處。別來花月共誰看。

王屋山天壇

名嶽推王屋。孤標跨杳冥。深窺砥柱黑。高並太行青。分野連三晉。風雲集百靈。鶴歸松已偃。龍去水猶腥。竈隱燒丹火。龕餘鍊髓經。羽人金磬動。應此禮寒星。

輓理上人

隻履歸何處。懷師淚滿襟。浮雲生滅性。明月去來心。閱世真如夢。安禪不廢吟。畱衣分法侶。寫偈別朋簪。雨蘚侵行跡。風泉想梵音。一燈寒竹暝。雙樹落花深。埵閉蟲粘戶。巢空鶴避林。歷峰山下路。從此罷登臨。

流沙江夜泛

登艫日向夕。出浦雲已平。月黑渡江處。北風蘆葦鳴。

附錄

高

棟五首

棟字彥恢。仕籍名廷禮。自號漫士。長樂人。少與林鴻、王恭等爲詩友。書得漢隸筆法。畫師米南宮。嘗選唐詩論之分。正始正宗。大家名家。羽翼接武。正變餘響。旁流凡九品。其宗旨則歸於開元天寶之間。爲唐詩品彙九十卷。唐詩拾遺十卷。終明之世。館閣宗之。永樂初。以布衣召爲翰林待詔。遷典籍。卒於官。年七十四。所著有嘯臺集二十卷。木天清氣集十四卷。朱錫鬯曰。彥恢擬唐如薛稷。鍾紹京之雙鉤。終下真蹟一等。五古若夜色不映水。微風忽吹裳。銜杯雙樹間。百里見海色。飛雨一峰來。微雲度疎竹。不失唐人

遺韻

王貽上曰宋元論唐詩不甚分初盛中晚故三體鼓吹等集率詳中晚而略初盛攬之憤憤楊仲宏唐音始稍區別有正音有餘響然猶未暢其說迨高廷禮品彙出而所謂正始至旁流皆井然矣獨七言古詩以李太白為正宗杜子美為大家王摩詰高適夫李東川為名家則非是三家者皆當為正宗李杜均之為大家岑嘉州而下為名家則確然不可易矣

九月八日郭南山亭宴集

海國霜氣涼。秋聲落遙野。乾坤肅以清。收納屬多暇。出郭尋幽期。同人命軒駕。載酒入翠微。憑高憩層榭。蒼山橫黃

雲。大江天同瀉。飛雨霞際晴。夕陽雁邊下。江山滿陳跡。今古成代謝。高興殊未平。臨風獨悲咤。沈確士云飛雨十字寫晚景如畫

水竹居

清溪入雲木。隱處林塘深。微月到流水。泠泠竹間琴。虛聲起遙聽。天影激遠心。余亦鸞鶴侶。將期此投簪。

鼓山寺送友分賦得臨滄亭

劣窮海上秀。中峰開禪宮。飛亭挂空翠。直止臨方蓬。溟漲在几席。天光映簾櫳。目極萬里外。但見青濛濛。曙色從東來。晃然靈境空。登臨豈不偉。別意嗟無窮。

賦得羅浮霜月懷鄭逸人

海國梅始白。飛霜動鳴鐘。寒空一片月。挂在羅浮峰。夜色

不映水清光。與之同。百里皆瑤華。千林闕幽風。蕭條巖際
葉。嘹唳雲間鴻。遠客起遙念。滄波思千重。夢迴明鏡沒。寂
歷聞幽蛩。

嶠嶼春潮

瀛洲見海色。潮來如風雨。初日照寒濤。春聲在孤嶼。飛帆
落鏡中。望入桃花去。彥恢諸體摹唐太甚。生氣索然。惟五古差爲清拔。錄數首足見其槩。

王恭 十七首

恭字安中。閩縣人。少游江海間。中年歸隱七巖山。凡
二十年。自號皆山樵者。王偁爲作傳。永樂四年。以儒
士薦。待詔翰林。年六十餘矣。與修永樂大典書。成授
翰林典籍。未幾投牒歸。所著有白雲樵唱二卷。草澤

狂歌五卷。而鳳臺清嘯不傳。

林衡者曰。皆山詩有大歷十子遺音。

朱錫鬯曰。安中整練不及子羽。而風華跌宕多縹緲
之音。固似勝之。

沈確士曰。安中白雁詩。夜月蘆花看。不定夕陽楓葉
見。初飛極不卽不離之妙。惜全首不稱。

舟次鐔津

木落川氣涼。鴻飛水容夕。微燈射遠沙。夜榜鄰幽石。月色
棲處寒。霜花坐來白。遙見九華山。蒼蒼但蘿薜。似王少伯

梅城小景

滄江湛回流。荒城出花嶼。海色明遠洲。嵐光過新雨。漁家

明三十家言選二身卷三
孤笛秋。煙火疎林暮。漠漠天際帆。蒼蒼鳥邊樹。若人靜者
流。持竿得真趣。取樂非取魚。日落忘歸去。

聞笛歌送人之塞上

橫笛對離亭。扁舟越江口。月下何人最斷腸。天涯怨別驚
楊柳。此夜愁心獨對君。明朝悵別又離羣。單于城上吹羌
管。知爾相思不忍聞。

書江山別意圖送羽人還神樂觀

羽人何處去。歸事玉宸君。飛珮花間別。橫簫鶴上聞。過關
聞樹斷。挂席楚江分。想到齋宮夕。圓邱候五雲。

江樓聞笛

纖月挂風林。晴樓覆夕陰。誰家吹鳳管。永夜作龍吟。楊柳

邊頭恨。梅花曲裏心。天明漢江上。惟見水雲深。

客中見新燕

可憐江上燕。幾日到烏衣。欲向誰家去。多應舊主非。落花
深巷小。喬木畫梁稀。自笑天涯別。秋風想未歸。

送別林彥時之建上

黃葉紛紛秋滿天。故人今夜惜離筵。他鄉見月長爲客。別
路逢霜半在船。劔浦綠蕪連晚燒。幔亭疎樹帶寒煙。明朝
碧水丹山下。知爾相思若箇邊。

行次海上

曉風吹酒動離顏。別路蕭蕭草樹間。積水亂流疑夢渚。一
峰中斷似君山。雞鳴海曙寒潮小。雁引秋聲落葉閑。行李

飄飄何處往。暮雲飛鳥倦知還。

留別楊二高隱客三山

別情羈思共何如。迢遞鄉山夢有餘。仙井碧泉思舊業。客庭芳草對離居。關河夜笛鴻飛外。海國春帆雪霽初。愧我萍蹤無住着。知君終食故鄉魚。劉亮有遠致

古鏡

寶鏡何年鑄。龍紋積暗塵。非關磨洗倦。恐照白頭人。

邨居

草徑茆扉帶軟沙。隔林雞犬幾人家。青山盡日垂簾坐。落盡櫻櫚一樹花。

春雁

東風一夜到衡陽。楚水燕山萬里長。莫怪春來便歸去。江南雖好是他鄉。

老馬

百戰沙場老此身。長楸宮草幾回春。只今棄擲寒郊路。猶自悲鳴戀主人。

山樓對酒

樓前積水映蒼苔。卷幔孤雲落酒杯。更盡一樽秋雨外。故山曾有幾人回。

陶淵明像

束帶何須見督郵。寧辭五斗便歸休。秋風幾度黃花酒。醉看飛鴻過石頭。不著議論高於衆作

聞子規

枝上聲聲怨落暉。居人間此亦沾衣。啼時莫近湘山路。更有長沙客未歸。

海上別林崇高

海上新晴野水春。煙村花鳥送行塵。十年客路堪惆悵。況復今朝別故人。

王 偁九首

偁字孟揚其先東阿人父翰至正末爲潮州總管元亡流寓閩中太祖欲起之遂自引決孟揚方九歲其母手疏先人之蹟及古今豪傑大略教之又學于父友吳海洪武庚午舉於鄉乞歸養母母沒廬墓六年

永樂初用薦授翰林檢討與修大典英國公張輔攻交阯奉命參軍事還守故官孟揚學博才雄意氣不可一世最爲解縉所重縉得罪坐黨下獄死所著有虛舟集五卷

顧元言曰孟揚典雅清拔綽有天寶俊聲

蔣仲舒曰虛舟詩句從新鑄材自故來

穆敬甫曰王詩從容典麗得風人體裁

朱錫鬯曰孟揚才名與解大紳相伍其獲罪亦同然詩格華整遠勝學士聞當日有明詩選本惜無從見之

汪端論曰彥恢安中孟揚矩矱唐賢吐屬婉秀皆子

羽流派綜而論之安中最優孟揚爲次彥恢語多膚
廓不免作蜂腰矣

車遙遙

車輪何遙遙西上長安道不見車上人空悲道旁草君行
日已遠恩愛難自保憂來當如何一夕夢顛倒豈無中山
酒一洗我懷抱但恐三春花顏色不再好車聲何赫赫風
吹馬蹄塵願爲馬蹄塵飛逐君車輪温厚和平
可以怨矣

入西山訪張隱士

兩崖噴飛瀑結屋煙蘿裏山人不冠屨客至同隱几獨鶴
海上歸孤雲澗中起淨埽白石牀風來墮松子

龍寺寒泉

靈源沁寒泉乃在翠微頂中有修鱗蟠白日煙雨暝山僧
習止觀木客照孤影余亦洗心人坐來白雲冷

尋小雄仙崑二龍潭值風雨歸草堂作

昔人洗玉髓幽洞驅龍咩丹成輟瑤耒成此秋水泓飛崖
夾兩鏡洞見雲霞生百鬼不敢啼雌雄常夜鳴有時湍瀨
寒幾曲流瑤英清秋墮蟾影白日聞雷聲偶茲訪靈竒埽
石窺清泠洗心盟鷗鷺濯髮解冠纓長風動懸蘿颯爽毛
骨驚飛雨灑然至萬壑秋冥冥歸塗松桂影了了心目醒
到家興未已石室披丹經

送僧歸越中

錫挑龍河雲衣帶越溪雨說法方西來隨緣復東去松枝

明三才言選二身卷三十一
偃故房。柏子落庭樹。從此上方遙。人間但凝佇。

蒼梧道中

驅車九疑道。獨鳥東南飛。看山不覺遠。秋雲生我衣。深谷走羣籟。半岑明夕暉。中林有蘭蕙。薄暮空芳菲。

楊秀才幽居

楊子幽居處。閒窗面遠空。水喧明鏡裏。雲落畫屏中。卷幔畱山月。揮絃送晚鴻。何人問奇字。載酒野橋東。

宿巴陵聞笛

玉笛飄殘月下聲。空江秋入思冥冥。怪來楊柳移關塞。可是梅花落洞庭。半夜旅魂隨調切。誰家少婦倚樓聽。曉來更覓龍吟處。一點君山水面青。

米元章山水

海岳庵前覓舊蹤。蒼茫雲樹米南宮。別來幾片青山影。都付寒鷗一笛風。

藍仁十二首

仁字靜之崇安人。元末杜清碧本隱居武夷。崇尚古學。靜之與其弟智俱往師之。授以四明任松卿詩法。遂謝科舉。一意爲詩。明初內附。隨例徙濠。未幾放歸。以壽終。有藍山集六卷。

蔣師文曰。靜之昆仲。切磨墳篋。迭奏和平雅澹辭意。融怡語。不雕鍜氣。無脂粉出。平性情之正。而有太平之風。

明三才詩選二集卷三十一
蔣仲舒曰二藍功力相敵已入作者之室

朱錫鬯曰二藍體格專法盛唐間入中晚蓋十子之
先閩中詩派實其昆友倡之藍澗仕而藍山隱然其
述懷詩云何事漁磯棄空煩鵲印隨又有甲寅仲冬
攝官詩則藍山亦不終於山林者也

宿橘山田家懷友

蒼峰落日微。白鶴秋風遠。客路入疎鐘。田家背山阪。孤煙
桑柘寒。歸鳥茅茨晚。欲覓紫芝翁。山深白雲滿。

暮歸山中

暮歸山已昏。濯足月在澗。衡門棲鵲定。暗樹流螢亂。妻孥
候我至。明燈共蔬飯。佇立松桂涼。疎星隔河漢。

正月十四日西山感興

久曠山水游。今晨願無違。松林收殘雨。郊園澹朝暉。憩澗
弄清泚。緣岡陟翠微。池魚暖始游。嵩花寒尙稀。幽人坐空
堂。深竹對荆扉。山中聞犬吠。谷口見樵歸。心賞適有契。仙
游詎能希。賴此一樽酒。暫然息塵機。古來朝市間。榮華多
是非。所以首陽士。白首甘采薇。靜之五古清真幽
遠深得右丞家法

西山暮歸

涼葉墜微風。秋山正蕭爽。天寒獨鳥歸。日夕百蟲響。偶從
桂樹招。遂有桃源想。石徑闐無人。山猿自來往。

擬貧士

蓬門有一士。被褐恒苦饑。朝飲南澗流。暮食西山芝。雖有

二頃園蕪穢亦不治。妻子共寂寞。彈琴詠書詩。荒林積雪深。古屋炊煙遲。高臥自有適。何必他人知。

宿田家望武夷山

仙厓蓄靈異。怪石盤空曲。一水隔花村。千峰入茅屋。金芝暖逾秀。瑤草寒更綠。雲中武夷仙。一一顏如玉。白馬去不歸。元猿叫相逐。昔陪丹邱侶。酣歌紫霞谷。雞鳴洞天曉。落月在林木。空瞻仙子高。舊夢那可續。荒林激悲風。日落對樵牧。佇立望歸雲。解衣田舍宿。

寫懷

門戶艱難久。田園寂寞多。有兒長遠出。無酒可高歌。晚景依松菊。秋風襲芰荷。平生耕學志。到此兩蹉跎。

九日懷弟

滁山昨夜有書回。首藉連雲手自栽。楚客久知懷璧罪。不疑虛受盜金猜。百年光景成孤注。九日淒涼對一杯。獨有夢魂難間隔。月明應傍故鄉來。

寄林信夫

一官江北佐鳴絃。消息時因過客傳。不信阮生悲失路。自甘陶令賦歸田。榕窗茶熟煙生屋。荔浦帆歸月在船。憶昔過門慚二仲。蒼蒼風景舊山川。

九日西莊懷弟明之

衰年無力遠登臨。短杖扶持叩竹扃。雨過林間雙澗碧。雲消天際一峰青。黃花寂寞憎詩瘦。白髮淒涼畏酒醒。獨把

茱萸思骨肉。雁聲孤起夕陽汀。

經故居

世事浮雲變。換多歸耕仍覓舊煙蓑。城邊老屋他人住。溪上荒園此日過。社燕已非尋主入。林鶯還是爲誰歌。角巾喜有鄰翁在。閑與庭前撫樹柯。

南村

亂來村野幾家全。近長丁男亦戍邊。辦得軍裝牛已賣。門前荒草是官田。亂離在日誦之悽然

藍智二十九首

智字明之一作性之與兄仁並學行高峻元末隱居洪武初薦授廣西按察僉事著廉聲有藍澗集六卷

朱錫鬯曰二藍出處不同藍山藍澗二集選家互有參錯今依明初雕本刊正

汪端論曰靜之昆季詩和粹冲逸既正體裁復減蹊徑較彥恢諸人似爲過之明之五律老成鎔鍊卓然長城殆駸駸欲度哲兄前矣

曉起

雞鳴庭樹寒。白露滿秋草。候蟲悲夜長。愁人起常早。出門衣裳單。悵望千里道。歸來守蘅茝。藜藿猶可飽。

雨中柬王幼度

客子清晨臥江閣。老樹閉門風雨惡。漁舟滿眼亂波濤。殺氣冥冥塞廖廓。地爐火冷席無氈。短衣百結雙履穿。寒食

清明不歸去。故山松柏空雲煙。先生適自江東至。行李兼
旬共留滯。登樓王粲謾多才。獻策劉蕡甘下第三鱸。聊爾
擁皋比。一鶚未負風雲期。青春白日麟鳳遠。長林豐艸豺
狼飢。十年烽火暗南極。戎馬紛紛未休息。朝廷耆舊困艸
萊。鄉里兒童誇膂力。我今旅食向孤城。君亦胡爲念遠行。
人生只在意氣合。世亂未覺文章輕。野人豈知天下事。杜
宇夜啼花滿地。狂如賈誼惟痛哭。貧似揚雄空識字。昨夜
封書與雁歸。妻孥應怪苦回遲。丈夫磊落志千載。一日窮
途何足悲。

雨中同孟原僉憲登嘉魚亭

高閣流鶯外。荒城駐馬前。江寒三月雨。春老百蠻天。折柳

悲橫笛。飛花落釣船。乾坤總羈旅。把酒意茫然。

時事

太府城隍廢。疲民井邑空。舞干非舜日。斬木有秦風。烽火
蒼茫外。江山感慨中。悲歌看古劍。激烈想英雄。學杜之作

徐雪舟爲畫藍澗草堂圖

碧草連書屋。蒼山對畫圖。鶴巢秋樹小。漁艇夕陽孤。野色
晴初遠。溪雲淡欲無。浮槎倚盤石。把釣任潛夫。

聞藍山兄寓滁州

番水初傳信。滁山想定居。秋吟兼蟋蟀。晚飯得鱸魚。落月
滄江濶。涼風白髮疎。兵戈關塞隔。不敢問何如。

山中漫題

讀書期有用。閉戶恥無能。落葉空山雨。疎鐘獨夜燈。人稱
樗里子。住近石門僧。靜坐觀詩妙。須參最上乘。

雪中送舒文質歸廣信

積雪千峰迥。空林一鳥飛。客愁南浦樹。鄉夢北山薇。風雨
荒茆屋。兵戈老布衣。饑寒兼盜賊。出處寸心違。

懷川晚立

清川繞縣衙。小立共汀沙。暝色催歸鳥。春愁對落花。江湖
頻戀闕。風雨更思家。出處成何事。惟添兩鬢華。

絕佳

柳城道中作

霜氣晚淒淒。荒岡恐路迷。孤雲桂嶺北。落日柳城西。地暖

蛇蟲出。林眠鳥雀棲。蠻鄉經戰伐。問俗愧遺黎。

晚立懷友

埜曠行人絕。林空墜葉聞。客愁當落日。詩思入寒雲。艸暗
防蛇毒。山昏過虎羣。梅花萬里道。歲晚正思君。

清蒼以骨勝

過雲洞嶺

路出千林迥。山連五嶺遙。石崖懸度棧。野樹臥通橋。澗飲
猶防蠱。畚耕盡屬獠。夕陽驅瘦馬。鬢影漫蕭蕭。

三四如畫

雨中

黯黯雲垂埜。瀟瀟雨滿林。晚山歸鳥盡。秋艸閉門深。落葉
蕭條樹。空城斷續砧。煩憂兼獨立。誰識此時心。

曉發江上

官船催曉發。浦鳥黯驚飛。殘月低清渚。疎鐘隔翠微。晨光初辨樹。秋色已生衣。萬里慚張翰。鱸魚未得歸。

出雲藤驛

又出雲藤峽。扁舟更向東。地蒸秋有瘴。江濶夜多風。旅夢驚啼狖。鄉心托斷鴻。天涯看月色。不與故園同。

宿陽朔山寺

晚景孤村僻。松門試一登。秋山黃葉雨。古寺白頭僧。壞壁穿新竹。空牀覆舊藤。宦情與禪意。寂寞共寒燈。

來賓縣曉發

宦遊同逆旅。侵曉逐征途。空館殘燈小。長江落月孤。鄰雞催去馬。城柝起棲烏。物色兼人事。匆匆歲欲徂。

登鳳林寺

樓憑青嶂迥。人到上方稀。古寺愁春雨。疎鐘送落暉。雲林孤跡遠。法界一塵微。坐久松風動。飛花滿客衣。

憶西山草堂

山接藍田近。泉分橘井清。誅茆成小隱。鍊藥問長生。一徑看松入。千峰共鶴行。誰言江海上。歲晚戀虛名。

五六可入
主客圖

過太平州作

帶雨辭京口。觀風出廣西。江吞淮樹小。城壓楚雲低。湖冷三秋雁。山寒半夜雞。宦情兼旅思。遠愧鹿門妻。

柳城縣

青山入縣庭。小邑但荒城。竹覆茆茨冷。江涵石壁清。草蟲

明三才詩選卷三十一
當戶墮水鳥。上階行問俗。知無事松風。一舸輕。寫景自然

江上別故人

天涯芳草色。對酒惜餘春。此日滄江別。東風白髮新。落花晴傍馬。幽鳥冷窺人。勉矣持風紀。驅車莫厭頻。

贈隱者

風雲蛇陣將。山水鹿門居。報國會雷劍。歸田始讀書。雁秋湖水落。蟬露柳條疎。別夢關山遠。松窗夜月虛。

順昌道中

蓐食鳴雞曉。空山啼鳥春。遠鐘何處寺。殘月獨行人。書劍嗟黃髮。江湖起戰塵。南游未得意。北望正傷神。

柳州道中

窮荒持憲節。侵曉策征驂。落月千峰外。清霜五嶺南。草寒初息瘴。林曙欲浮嵐。巡歷知無補。艱難頗自諳。

經郭先生平川舊居

皓首明時祇布衣。孤墳宿草又斜暉。塵埃几杖遺書盡。風雨園林舊業非。九曲月明猿自弔。三山秋老鶴空歸。多情惟有門前水。春色年年上釣磯。五六亦淒怨亦超曠

宿開建江上懷閩中故人

東風嫋嫋泛鷗波。倚棹汀洲近薜蘿。江上流鶯疎雨歇。天涯芳草落花多。暮雲尚隔蒼梧野。秋興空懷白苧歌。離別不堪頻張望。美人南國意如何。

封陽驛

官船早發渡頭沙。回首東風日又斜。千里雲山橫桂嶺。一江春水漲桃花。荒村雞犬臨欹岸。細雨鳧鷖傍釣槎。南望蒼梧天萬里。鳳韶何處弔重華。

懷山中

久別山中鸞鶴羣。清齋自禮武夷君。滄江明月扁舟夜。渾似松窗臥白雲。古豔

浦源八首

源字長源無錫人。洪武中官晉府引禮舍人。聞閩中林鴻老於詩學。雅慕之以收買書籍。至閩造門謁鴻。鴻不見。使門人周立黃立請誦所作。至雲邊路繞巴。山色樹裏河流。漢水聲。二立驚歎曰。吾家詩也。鴻出

見之。相得甚歡。避所居舍之日。與爲詩。由是長源名籍甚。後舟經淮河。墮水死。年二十六。有詩集十卷。今不盡傳。

沈子山曰。舍人詩如舞草從風。偏反有致。

朱錫鬯曰。長源居九龍山中。築聽松軒。凌彥紳爲作記。其詩如衣上暮寒。吳苑雨馬頭。秋色晉陵山。今夜風傳何處笛。他鄉月照故園衣。暮雨燈明湖上埭。秋風砧響郭西家。杏花寒食春江店。榕葉薰風瘴海船。寒廳掩雪晨衙散。暮郭連山夜燒明。雨中黃葉孤村路。湖上青山遠寺鐘。春潮渡口停官舫。夜雨山頭見驛燈。虛窗葉響風驚雨。遠浦潮來水接雲。均有風致。

匪僅雲邊樹裏一聯而已亦善畫山水竹石師倪雲林程原道詩所云雲林弟子浦長源也

汪端論曰長源詩秀句絡繹韻遠情深而起結往往不振此蓋專工造句未暇謀篇亦才力有所偏注也後人可方之者其程孟陽乎

送人之荆門

長江風颺布帆輕西入荆門感客情
三國已亡遺舊壘幾家猶在住荒城
雲邊路繞巴山色樹裏河流漢水聲
此去郢中應有賦千秋白雪待君賡

送賈文學入京

春城送別已斜陽花發官亭酒正香
遠騎青山江上路新

鶯細柳禁中牆疎星北闕趨朝早澹月南宮聽漏長誰道賈生年最少獨能陳策輔君王

林子羽浮亭夜飲

都亭分袂惜蹉跎此夕相逢奈若何
細雨疎燈聞落葉斷雲高樹見明河
客蹤迢遞天邊雁歸夢微茫海上波
鞍馬朝來又成別且傾尊酒一狂歌

三四幽秀絕倫抵得一篇秋聲賦

送王子歸山中

闔閭城外斂餘暉水國蒼茫夕鳥飛
遠火山中人未宿孤舟江上客初歸
高林菓熟經新雨疎柳春深映舊扉
遙想到家無一事閑看兒女笑牽衣

送友人還鄉

都門楊柳拂離筵。歸路青山水國連。三月春陰垂細雨。幾家寒食起新煙。聽鶯谷口停征蓋。立馬江頭問渡船。此去故園應酒熟。杏花開徧草堂前。

送荆南師戶侯移鎮公安

悠悠旌旆碧雲端。遠去孤城入亂山。淮月上樓人奏角。海天低樹雁臨關。幾家白髮遺民在。千里青絲獵騎還。舊鎮荆南多勝槩。別來惟見畫圖間。

送包鶴洲歸湖上

西風江上賦歸休。聽雨那堪夜泊舟。官路暝煙迷驛舍。郡城寒火出更樓。到家正及湖田熟。在客先驚館樹秋。還憶故人相別處。短亭孤棹共悠悠。

并州寒食

夢入故園千里遠。覺來寒食在并州。垂楊不是相思樹。那得花開便白頭。新穎

明三十家詩選二集卷四上

錢塘 汪端 允莊輯

李 昱 三十四首

昱字宗表錢塘人少從永嘉鄭僖學僖奇其才以女妻之又受詩法於李孝光見世亂不仕結草閣居北關門外自號識字耕夫後避兵金華洪武初薦授國子助教未幾以病乞歸卒有草閣集十卷子轅字公載亦能詩

徐大章曰宗表詩緣情指事機動籟鳴無窮搜苦索之態而語皆天然不煩雕刻

朱伯清曰草閣詩精熟清新氣雄而詞暢一出李杜

二公機軸

朱錫鬯曰草閣得詩法於李季和然季和猶為廉夫
熏染草閣歌行則一氣孤行獨開生面正如淮陰之
師多多益善囊沙拔幟辟易萬人當時四傑十友二
肅二立各有標榜如此逸氣高格顧詩家月旦不及
焉信夫知音者之難也

汪端論曰草閣詩源於杜陵七古力勁神完縱橫如
意有駿馬下坡之勢雖似失之太直不如少陵波瀾
起伏而蒼渾樸老真氣流行斷非生吞活剝之比明
代吾杭詩人以此為冠冕可也

古詩

李杜日已遠。疇能振風雅。淫哇既紛靡。視古氣益下。雷鳴
喧瓦缶。遂謂黃鐘啞。魚目輕夜光。駑駘鄙宛馬。獨立天地
間。長懷何由寫。白雪非不彈。舉俗知音寡。草閣詩品
於此可見

泊蘭江

我舟泊蘭江。江水淨如練。孤雲塵外飛。歸鳥鏡中見。迴環
城數里。雜遝山百轉。何年徐偃王。於此建古殿。陰廊斷人
跡。敗壁留蝸篆。題詩感古昔。荒哉瑤池宴。

題畫鷺

何人水墨開毫素。白日晴窗起烟霧。強將醉眼窺微茫。乃
見江南九秋鷺。兩隻長鳴一隻飛。兩隻共啄菰米肥。其餘
四隻夢洲渚。黃蘆白葦相因依。我家曾住苕川上。綠簑披

雨聽漁唱。西塞山邊。今有無桃花流水。應新漲。別來幾載。
棲林巒。身欲奮飛。無羽翰。卷圖高詠。風漠漠。憶爾磯頭青
釣竿。叙次明潔
老筆橫秋

胡將軍歌

胡將軍。邦之良武之豪。身長八尺。面如鐵。敵人見之凜凜。
生寒毛。憶昨辛卯歲。九州沸鯨濤。蒼生日塗炭。呼天雨泣。
何嗷嗷。吳王氣宇真天人。手提三尺秋水之豪曹。貔貅萬
竈會滁上。左右環列俱賢髦。將軍謁轅門。開口談六韜。爲
王之爪牙。出入行陣躬韃囊。疾如風雨飛千艘。王命胡將
軍。蝥弧蝥爾所操。義聲西來動白日。電光閃爍搖旌旄。
金陵宣城不日得。徽州嚴郡隨風逃。洞兵三萬餘。刀鞘弓

藏。發牙旗。却指金華城。父老爭先持酒羔。喉衿閩楚信州
地。將軍又爲殫力營城壕。乃從元戎上台鼎。橫金拖紫獨
立青雲高。將軍未下車。民庶憂叨叨。將軍既下車。所犯無
秋毫。健兒不敢忤。民意酷吏不敢搜。民膏男兒務農耕。婦
女勤蠶繅。將軍爲之垣墉使。生厚民適自樂。將軍勞。兜鍪
貂蟬本無異。擬變方召爲夔。臯嗚呼。壬寅春二月。肘腋禍
所遭。三軍盡躑躅。萬姓皆號咷。朝廷聞之爲歎息。遣中使
降丹詔。遂有光祿大夫越國之崇褒。有廟有廟依巖藪。春
秋二時祀太牢。吹笙鼓瑟兼伐磬。玉杯春酒醴蒲萄。回梁
文棋倍輝赫。焚香彷彿來蒼蒿。英姿颯爽毛髮豎。陰風吹
動團花袍。殿前近侍捫錦條。壁上先驅出寶刀。出師或銜

枚班師或鳴。將軍雖死有餘樂。魂魄上與星辰遨。有子
有子如將軍。志欲與國除腥臊。鄰敵侵我疆。勇捷如飛猱。
奮身與之戰。以一當百戰已鏖。將軍陰兵實助之。似聞人
馬聲。嘈嘈敵驚靈。火徧原野如中羽。鏃相呼號我來祠下
謁。遺像秋林葉落風蕭騷。雄文大字紀顛末。翠珉已戴黃
金鰲。嗚呼胡將軍。生爲名臣死廟食。勸忠之作吾其叨。澄懷
按胡將軍名大海。字通甫。從明祖起滁陽。克定寧國。徽州
建德。婺州諸暨。處州廣信等處。元至正壬寅。鎮金華。爲隆
人。蔣英劉震李福所害。明贈越國公。諡武莊。公善用兵。每
自誦曰。吾武人。不知書。惟知三事。不殺人。不掠婦女。不焚
廬舍而已。以是遠近爭先迎附。及死。聞者無不流涕。所至
訪求豪雋。金華四先生其所薦也。草閣此作雄奇生動。可
敵西涯花將軍詩。

秋宵七恨并序

荀卿賦篇於知雲蠶箴之辭。始隱而終露。又疊以應之。
予嘗愛其異偶。值秋宵不堪旅次。韻成七恨。以爲一代
之新體云。

青蘋葉底聲蓬蓬。當年曾號襄王雄。秋高八月勢轉急。忽
來吹我茆屋東。令我夜坐難秉燭。使我髮白成老翁。吁嗟
恨爾之秋風風。

六月一滴不霑土。連夜淋漓獨何苦。紅蕉碧梧語葉上。黃
茆屋漏那能補。雞鳴嚶嚶天欲曙。况乃蕭條在羈旅。吁嗟
恨爾之秋雨雨。

嫦娥竊藥奔蟾窟。老兔千年擣何物。玉鏡初從海世來。冰
輪又向雲間沒。借問胡爲有圓缺。不與愁人照離別。吁嗟

恨爾之秋月

西風古城夜向深。滿空白月光沉沉。羅幃美人勞寸心。雙杵忽傳空外音。寒衣不來道路遠。丁東落耳愁難禁。吁嗟恨爾之秋砧砧。

伶倫截竹纔過尺。一吹能裂蒼厓石。况復聲聞折楊柳。對此令人多感激。中宵無人萬籟靜。天上殘星猶歷歷。吁嗟恨爾之秋笛。笛。

疾雷鳴夏風。鳴冬秋來鳴者難。為容露寒九月入牀下。啾啾唧唧羣相從。十回歸夢九回斷。起坐積憤填心胸。吁嗟恨爾之秋蛩蛩。

似人生繫微宦。數年寄書長不達。應負冥冥在霄漢。吁嗟恨爾之秋雁雁。諸詠胎源少陵同谷七歌

王子約雙鈎竹歌

王君金華人。畫竹誇當代。此竹乃是鈎勒之所為。座上千人萬人愛。愛君為人清拔俗。興來踏徧篔簹谷。籠籊桃枝紛入眼。籊籊篔簹常經目。往年曾見吳門道士張溪雲。歸晚軒中事幽獨。有時不作山水圖。戲拈銀毫畫此竹。王生筆法乃過之。比似張生更神速。王君寫竹能寫形。脫略粉墨辭丹青。或如金錯刀。或如鐵鈎鑠。或如銀幡寶勝之飄颻。或如金節羽衣之婀娜。或如白鳳尾。或若蒼龍鬚。天機逞其妙。形狀何瑰奇。唐時亦有蕭協律。所至清風起蕭瑟。

目三言卷二集卷四一
五
眼昏手顫藝轉工。一十五莖稱絕筆。宋時亦有文湖州畫
竹人稱第一流。能令萬籜起厓谷。出牆之梢爲最優。東坡
作竹短而瘠。別試龍蔥在林僻。玉堂多暇圖一枝。復有小
坡能畫石。前元作者李仲賓。琅玕卓立無纖塵。荀邱家世
不易得。父子相傳俱絕倫。吳興學士趙公子。飛白之石誰
能比。水晶宮中春日長。移得藍枝落窗几。後來又有柯丹
邱大葉長梢動。晷旒天顏有喜頻。賜子晚節衰。颯江湖秋
諸公畫竹工。畫影隔簾彷彿瀟湘景。我欲鼓柁游瀟湘。碧
雲萬頃浮天光。美人娟娟隔秋水。欲來不來空斷腸。我欲
乘風發清嘯。扁舟直過湘妃廟。中流鼓瑟聲鏗鏘。和取湖
南竹枝調。何如曩昔行李游京都。故人爲我共作翠竹紅

梅圖原父寫梅君畫竹價重已壓青珊瑚。挂在成均之左
廡。交游軒冕觀如堵。天上歸來十二年。柴扉草閣荒山田
此君風節還依然。王君王君聽我語。我歌長歌君起舞。花
溪水接雙溪長。與君百里遙相望。不如坐君西郊之草堂。
歛坑舊硯磨而蒼。鵝溪素練雪色光。風晴老嫩任君寫。無
使古人專擅場。放筆爲直幹淋漓滿志草
閣長歌皆當作如是觀

踏車行

南岸北岸聲咿啞。東鄰西鄰踏水車。車輪風生雷轉軸。平
地雪寒生浪花。借問老農何太苦。低頭欲語還咨嗟。前月
有雨田未耘。非其種者紛如麻。縣令捉人應差役。令嚴豈
得營私家。况當今日滴雨無。陂塘之水爭喧嘩。雖如抱甕

沃焦釜。蹄涔豈足供泥沙。語罷踏車車轉急。田水何如汗
流濕。老妻貸穀猶未歸。力疾無奈吞聲泣。山樂府

青山白雲圖

若有若無青山之嶙峋。欲斷不斷白雲之氤氳。往往何人
得此意。高公彥敬下筆藝絕倫。我歌紫芝白雲裏。白雲却
向青山起。裁雲為我衣。推山作我几。松花釀酒三千石。醉
後高歌歌未已。歌罷仰天笑。此樂人中仙。心搖赤城霞。目
斷蒼梧烟。左執容成袂。右拍洪厓肩。五雲之佩何翩翩。乘
風欲往蓬萊巔。蓬萊渺何處。金銀樓臺隔烟霧。青鳥銜
書海上來。千歲胡麻欲成樹。悵不往兮心茫茫。雲浩浩兮
山蒼蒼。人間亦自有真樂。還君之圖兮。贈君青山白雲作。

處女吟

深閨有處女。盈盈好顏色。施朱太赤。施粉白。畫工如山貌
不得。年逾三十未適人。蹇修塞門守愈真。清晨去採山上
柏。願以苦節終吾身。東風吹綠階前草。蝴蝶雙飛一何早。
長門白日落花多。人生只似花開好。東家小姑嫁大官。錦
靴笑坐黃金鞍。一朝失寵如敝屣。鏡中孤影愁離鸞。西鄰
小妹嫁豪賈。聘與黃金賤如土。失身乃在江海間。夢魂長
怨風波苦。何似深閨處女吟。許身真比雙南金。寄聲小妹
小姑道。適人容易紅顏老。草閣當元季潛晦不仕此詩蓋寓志也

題烟波疊嶂圖

憶昨扁舟上南斗。順風看山如馬走。前山在眼後山失。紫

翠續紛落。吾手當年見山如畫。圖書圖得似當年。無臨軒
把玩笑絕倒。蚤覺詩思生江湖。江風蕭蕭烟水暮。盡是漁
翁釣魚處。安得身輕如白鷗。江上飛來又飛去。朱笠亭云
妙在不泛

寫山水都從烟波
疊嶂四字生情

送顧仲明之常熟教授

自從吳中識君面。江海相違復相見。交情不下十年餘。歲
月忽忽若流電。尙憶清風八詠樓。與君飲酒樓上頭。酒酣
借箸爲考擊。狂歌落日驚沙鷗。聞道蘭亭看修竹。官冷三
年食無肉。褐袍纔染柳汁青。又載琴書問常熟。此州吳公
之故鄉。絃歌彷彿聲洋洋。孔門政事出文學。坐令州牧成
龔黃。朝來河雨添春水。吳船催發吳歌起。酌君別酒情未

已。我亦衢州戒行李。人生離合真可憐。臨行把袂心茫然。
相期出處各努力。淞水東西謾相憶。詩近平易而句法
叙次實出少陵

匡山行爲章三益作

仙人休吹紫鸞笙。聽我一曲匡山行。青蓮居士讀書處。至
今石室丹霞明。龍泉西南百餘里。四面崢嶸翠峰起。先生
結菴當畫圖。正與匡山景相似。屋前屋後皆種松。坐看百
尺蒼精龍。苔皮深含霜雪古。鐵幹返走風雲從。一亭下浸
蒼波冷。縹緲烟雲成萬頃。中有神魚長比人。翠鬢翻動玻
璃影。一亭上與浮雲齊。赤闌干外青天低。分明投壺笑玉
女。彷彿出海聞金雞。東南一亭隱林樾。地位清高隔炎熱。
人間赤日如火流。疎簾琅玕自蒼雪。最其秀者環中亭。周

遭萬朵芙蓉青。朝來爽氣落吾袂。蘿風吹日天冥冥。鶴怨
猿驚歸未得。繡衣今作山林客。故山迴首五情搖。歸夢時
時到寒碧。自古山林鐘鼎同。先生况有前賢風。少待功成
拂衣去。入門依舊山花紅。

嘲鳩三五七言

雙鷓鴣。毛斑斑。陰雨逐婦去。晴天呼婦還。嗟哉爾婦良不
易。愛憎只在須臾間。言近旨遠
工於諷刺

題五馬圖

開元四十萬匹馬。誰是超然出羣者。曹韓筆力非不工。須
信真龍最難寫。真龍只有拳毛騮。太宗騎此開唐家。雄姿
猛氣世無敵。當時識者入嘆嗟。吳興公子畫五匹。滿眼風
雲起蕭瑟。一匹玉花鬣。且驕一匹飛黃甚飄逸。駁文殊者
一匹雄。一匹紫電奔長虹。中央正立一匹胡。青驄遂令四
馬皆下風。想見承華春苜蓿。此馬由來字天育。殷紅盤袍
帽。紋縠奚官杖策來。監牧花萼樓前春日遲。五王宴罷何
逶迤。乃知畫師用心苦。俟我落筆題新詩。

鴻門舞劍歌

鴻門大將誇重瞳。虎視六合無英雄。當時灞上隆準公。低
眉俛首趨下風。青蛇光寒射尊俎。酒酣拔劍為誰舞。一舞
范增身若雲。再舞張良面如土。神鋒慄魄可奈何。喚取楚
人歌漢歌。當筵對舞張羽翼。紅烟紫電光相摩。須臾舞罷
沐猴悅。亞父翻成背流血。玉玦不靈玉斗裂。楚漢雌雄從

此決

煮豆酌白酒歌

煮豆酌白酒。豆肥酒氣溫。相對二三子。其樂難具論。君不見曉來雨過東家村。叢叢豆莢生籬根。阿翁提籃跣雙足。采摘采摘呼諸孫。歸來笑指老瓦盆。酒波猶帶新糟渾。田家酒具如窪樽。一盃入口春無痕。兩盃三盃鯨濤奔。四盃五盃和江吞。須臾飲至百十盃。眼花耳熱低乾坤。憶昨豺虎如雲屯。旌旗滿目烟塵昏。殺人如麻血成海。十室九家無一存。大臣自合死。社稷况叨厚祿承。君恩近聞省府日。筵宴椎牛宰馬齊。崑崙吾徒布衣在。草野憂心惻惻懷。至尊嗚呼蕭艾滿城邑。馨香不數蘭與蓀。呼童煮豆復進酒。

呼兒爲我關柴門。

題胡濟源聽泉樓

冷泉亭子深且幽。我昔杖履曾追遊。山中正當朝雨霽。坐聽泉水涓涓流。初如松風灑萬壑。忽如仙珮鏘鳴璆。又如蛟龍起潭窟。霹靂閃電摧林邱。黃猿抱子挂秋影。良久不下聲。啾啾是時同行四五人。相對毛髮寒飈颺。乃知福地難久住。却載酒壺登綵舟。故鄉一別幾十載。江湖浪跡如沙鷗。風塵瀕洞箭滿眼。欲歸洗耳嗟何由。飛來山色入我夢。碧松丹桂枝相樛。每逢泉石必宿留。題詩感慨無時休。胡君亦是聽泉者。胸次磊落非常儔。何當暇日登君樓。與君作記樓上頭。

次何贊府游壽山詩韻

我昔手持綠玉杖。徧觀壽山寺外翠嶺之奇峰。天風吹我衣。雲氣盪我胸。峰形峙爲五。烟霞有路遙相通。橫秋雙澗橋。影枕寒潭空。上有欲落不落之怪石。下有半枯半活之欹松。一峰凌紫霄。曙色何瞳矓。金雞喚起海底日。絕頂尙有蒼涼蹤。一峰翠氤氳。恍如武林之景迷西東。山泉春雨餘。流出桃花紅。左右一峰若覆釜。氣蒸雲夢秀所鍾。西看瀑布吼飛雪。乃有一峰迥出倒挂虹。影於晴穹。一峰後顧復何似。巖巖儼若蟠蛟龍。輸青獻翠千萬狀。竝視培塿誇豪雄。香爐紫烟遠莫致。廬山謾詫金芙蓉。尙憶當年紫陽翁。二三賢俊題名同。嗟余寥落生苦晚。不得親陪杖履游其

中。兜率臺高花雨濛。金仙跌坐青蓮宮。何當復約哦松公。靈巖石室幽絕處。笑揮白玉塵尾盡日相過從。

題嚴子陵釣臺

漢祖龍飛日。先生釣澤中。布衣曾友道。台鼎不償功。七里灘頭月。一絲江上風。古今評論者。只作隱淪同。

寓意高遠可與唐權

文公作並美

旅中秋懷

高秋雲冷雁南飛。游子天涯尙未歸。風雨黃花佳節近。江湖白髮故人稀。蓬萊獻賦才名拙。盤谷讀書心事違。正是客愁眠不得。誰家徹夜搗寒衣。

贈朱原達

江海相違二十年。今晨相見一欣然。已同葛亮吟梁甫。况有侯芭識太玄。深谷鳥啼雲似水。遠林花落雨如烟。酒酣不省他鄉客。尚憶西湖小畫船。

送戚縣尉之會稽

越州船樣小如梭。婦女牽船唱越歌。秦望山宜篷底看。賀家湖向鏡中過。青袍作尉登臨徧。綵筆題詩感慨多。况是右軍遺跡在。未須射鴨且籠鵝。

蕭何

刀筆區區起沛豐。經綸事業盡關中。撫民爲有三章法。轉漕能先百戰功。漢祖難忘上林苑。韓侯誰使未央宮。可憐一代興王略。只與當時主吏同。令漢家功臣第一。一人何處生活。

送永嘉葛令歸燕

人人盡說丹砂令。三載容成德化寬。但識絃歌能變俗。豈因松菊便辭官。扁舟落日孤城遠。二月黃河春水寒。從此去天纔尺五。故鄉風物是長安。

夜回三界

蕪盡田園事遠行。微軀辛苦爲蒼生。雨寒但覺籃輿重。月黑全憑火炬明。路轉松林多虎跡。夜投茆屋少雞聲。五更又過清風嶺。官事匆匆敢計程。五六寫盡荒僻景象。

呂思純見訪贈詩用荅其意

梅雨三日溪水深。一舸來訪見幽心。洗杯行酒月在地。開戶讀書風滿林。子才可陳賈誼策。我醉但鼓陶潛琴。空山

茅屋少供給持此以報雙南金。疎爽

除夕有感

家人草草具杯盤。爆竹聲中笑語驩。衣上忽看慈母線。淚痕如雨落更闌。

春日雜興

鷓鴣春雨過東風。晴日桃花岸岸紅。行到小橋聞犬吠。人家都在柳陰中。

附錄

凌雲翰 六首

雲翰字彥翀。錢塘人。洪武初除成都府學教授。以乏貢舉謫南荒。卒歸葬西湖。有柘軒集。

陳光世曰。柘軒詩諸體悉備。莊敬而不褻。和樂而不淫。雖無刻苦麗密之功。而平易典則。發乎情之自然。有足觀者。

朱錫鬯曰。彥翀學於陳衆仲。故其詩華而不靡。馳騁而不離乎軌。五言如陪祭作七言如鬼獵圖。才情奔放。不可羈勒。直可摹郁離之旗。摩青邱之壘。集中與張行中論詩云。艱深文淺。近臭腐。化神奇。每到真成趣。由來不費辭。其自得之深矣。

趙大年蘆雁圖

平林帶烟波。渺渺風低葭。荻秋聲小。望中疑是彭蠡湖。十百爲羣。盡陽鳥。楚天未雪。無雨霜。南來豈必謀稻粱。哀音

若訴雲路迥。老翅不厭關河長。汀洲水落成平陸。散亂鳧鷺聚沙曲。低飛不肯伴寒鴉。猶繞荒村破茅屋。屋中有客揮五絃。從之不得心茫然。何人圖畫能著此。趙氏丹青稱大年。徽廟元年頽鳳歷。此圖正是當時跡。便從宣和到靖康。良岳禽聲起秋夕。古往今來幾盛衰。摩挲老眼竟成悲。良工心苦人莫識。似寫周宣鴻雁詩。

關山雪霽圖

前峰後峰雪模糊。東村西村春有無。快雪時晴入佳想。况復見此關山圖。關山迢遞相聯屬。玉潔珠光眩人目。扶桑飛上金畢逋。暗水流澌度空谷。野橋行過路三叉。青旗插簷沽酒家。騎驢倦客得少憩。悵望遠道還咨嗟。詩翁好事長起早。天寒祇恐梅花老。柴門時有故人來。塔下白雲須淨掃。此圖一日落塵寰。筆法依稀荆與關。人生遠游固云樂。何似在家長看山。我本識字耕夫耳。占祥便作豐年喜。田園歸隱會有時。麥飯飽餐茆屋底。

陳居中進馬圖

明王慎德蠻犀賓。尺天寸地皆王臣。遠人重譯貢龍馬。流沙萬里來麒麟。金丸聲動拂郎國。寶劍氣接明河津。不知何年離榆塞。但見此日朝楓宸。毛駟生來玉琢鼻。錢驄隱起花攢鱗。最後赭白信無敵。如此丹青疑有神。騰驤欲飛使者喜。控制不得奚奴嗔。我聞陳閱善匠意。無乃韓幹爲前身。按之圖中得所似。惜哉世上遺其真。驪黃牝牡不易

索九方臯後知何人。

曾瑞卿山水圖

山關迢遞野橋斜。策杖幽尋豈憚賒。路轉峰迴連佛寺。雞鳴犬吠隔人家。白雲作雨多於絮。紅葉驚風少似花。不是褐夫能貌得。空令泉石老烟霞。

次徐總制韻

燕子來時花滿城。海棠絲雨半籠晴。行人最愛西湖水流入官河也。自清。

劉文質松溪小像

爲聽松風直過溪。長琴分與小童攜。白雲不隔天台路。千樹桃花一鳥啼。

李延興八首

延興字繼本東安人。占籍北平。至正丁酉進士。授太常奉禮兼翰林簡討。遭亂棄官。隱居洪武中。屬典邑校。有一山集。

朱錫鬯曰：一山北方之學者。其詩文頗拔俗。長歌尤擅場。

汪端論曰：柘軒一山兩家詩。長篇巨製。橫放奔騰。排奐有餘。逸宕不足。蓋究心韓蘇。未甚紆意。李杜者。然才力宏肆。如渥洼生駒。未免蹄齧。而雄駿之氣。終異於果下騮也。○柘軒陪祭作鬼獵圖二篇。衆推名作。然鋪叙平實。絕少生氣。一山石鼓歌。松雪畫馬諸篇。

亦傷冗雜皆非正聲故不入選

題壁間雜畫

山中之人氣奕奕。愛畫雲山與水石。遠山近山恣一揮。頃刻生絹數十尺。今代只數高尚書。妙處不減米家筆。後之善畫者爲誰。青山白雲久蕭瑟。忽驚座上烟靄生。漠漠平林翠如織。平生夢想不可到。乃在君家雪色壁。花發深林破曉紅。水合長天蕩晴碧。蘆邊雁影落迴汀。沙上漁簑曬斜日。白髮蒼顏四老人。棋罷松間坐爭席。筍皮笠子大如繖。歸去不愁山雨濕。爐經九轉鍊丹成。杖挂百錢沽酒喫。眼看此景不可親。况復憧憧事塵役。會須結屋山之阿。更求好出水之側。野人生理日有餘。耕歸牛角懸書帙。茅簷夜火促寒機。古甸秋風收晚粟。安車若便下邱樊。爲勸先生不可出。

雙鶴吟

若有太古之仙。迺在瀛洲之上。方壺之間。門前雙鶴不知幾歲月。雪飛風舞迥隔青雲端。空月白。雙影靜。玉笙合奏。瑤臺寒石。壇暝踏松子。落林蹊。晴啄苔花殘。仙翁手執相鶴經一卷。逸思汎若孤雲間。興來引雙鶴。笑入三茅山。三茅山中瑤草碧。九臯雨散春烟濕。鶴飛亂點層峰青。彩鳳蒼鸞往往與相識。價重不減雙南金。質瑩不弱雙白璧。不慕懿公之華軒。不逐王喬之飛舄。不巢西湖處士之孤山。不憩黃州謫仙之赤壁。棲紫霞。護丹室。六翮凌層曝朝

日友茅君呼木客。盡日聽琴香案側。山中之人問訊時。相
過蟬聯飛繞羊公石。鶴之逝。風翩翩。遙空雲落秋無邊。鶴
之返。山娟娟。紅塵不到芸窗前。恍如元方季方在穎谷。倏
如陸機陸雲來洛川。燦如同穎之禾敷。秀唐叔壤。宛如王
雒之鳥著。美周南。篇薛公之鶴。何其夥。趙抃之鶴。何其偏。
異哉兩仙骨。不偏不駁全其天。問鶴往時託巢在何許。邈
在遼海之東華。表柱問仙。參鶴到今。凡幾春。前五百年嘗
與令威一相遇。鶴飛來向何所。不渡海之涯。不涉江之浦。
直欲飛近天上神仙之官府。天門寥闊不可通。誰到十二
瑤樓最高處。鄧林之廣。豈無一枝之可栖。何爲乎涉雲霄。
冒風雨。春去秋來恣軒翥。仙亦竟不留。鶴亦更不駐。仙邪
鶴邪。笑我雙臂於風塵。相隨直上青雲去。

早過五門

霜白掖樓曉。寒鴉城上啼。微雲闔闔外。斜月建章西。憂國
心常切。成功計轉迷。十年京闕下。貧病尙羈栖。

丙申歲詠懷

白首殊方客。奔馳戎馬間。時危憂母老。歲晚寄書還。凍雪
連荒野。寒雲出亂山。蒼茫西日外。痛哭倚柴關。
妻子何時見。淒涼病轉侵。虛傳千里信。已負百年心。茅屋
飛霜滿。空堦落葉深。白頭吟正苦。回首淚霑襟。

讀賈誼王粲傳

白髮悲王粲。青春羨賈生。萬言辭慷慨。一賦氣崢嶸。弔屈

心猶壯。依劉恨未平。懷賢坐長夜。耿耿若爲情。

別易水諸公

一家遠隔萬重山。古道人稀獨自還。夜月屢傾燕市酒。春風又度雁門關。晴天雨散千峰外。野屋雲生半席間。兄弟何時重會面。燈前相對話時艱。

挽張及民

寂寞城南一畝宮。百年遺響寄孤桐。巢由杖屨雲山外。陶阮生涯酒榼中。祠壁鬼燈然夜雨。墓門衰草起秋風。招魂不隔盧溝水。淚灑霜林萬葉紅。

明三十家詩選二集卷四下

錢塘 汪端 允莊輯

程本立 三十六首

本立字原道崇德人先儒伊川之後少有大志讀書不事章句洪武中以孝行旌表太祖謂之曰學者爭務科舉以窮經爲名而無實學子質近厚當志聖賢之學公益奮勵聞金華朱克修得朱子之傳於許謙往從之學尋舉明經秀才除秦王府引禮舍人母憂去官服除補周府禮官二十年進長史從王入覲坐累謫雲南馬龍他郎甸長官司吏目土酋施可伐煽百夷爲亂公單騎入其巢諭以禍福諸酋咸附未幾

復變西平侯沐英布政使張統知公才屬行縣典兵
事且撫且禦自楚雄姚安抵大理永昌鶴慶麗江山
行野宿往來綏輯凡九年民夷安業建文初徵入翰
林預修太祖實錄遷右僉都御史以介直聞坐失陪
祀出爲江西副使未行聞燕王兵入自縊於應天府
學 國朝乾隆中通謚節愍有異隱集四卷

朱錫鬯曰建文諸臣文莫過方正學詩莫過程異隱
正學之文取法昌黎下亦不失爲蘇子瞻異隱之詩
刻意杜陵下亦不失爲陳簡齋也

汪端論曰節愍爲貝清江弟子其詩才力足相伯仲
滇中諸作尤奇警獨造不特大節卓然也歸愚別裁

集僅錄二首忽畧之咎安所辭哉

惜日短同鮑仲孚作

我志在千古此生無百年百年亦苦短白日如奔川光陰
日復旦把鏡心茫然歷看古賢傑勲業照簡編安能不努
力坐待雪滿頭義和駕六龍爲我遲遲鞭

出蓼子峪

羣山入鞏洛渴驥奔黃河行人山之下窄徑緣坡陀單車
不方軌峭壁臨盤渦上有虎豹嗥下有飢蛟鼉垂堂夙所
戒叱馭今重過微忠效驅馳神物煩撝訶

贈吏隱

我志本伊傅我學非申韓胡爲宦簿書得匪負衣冠聖哲

動以時。否泰識其端。卷舒則在我。何適非所安。冉冉雁鷺趨。眴眴龍蛇蟠。曠心遺困辱。沉跡遠疑患。關門古有令。封疆亦有官。公庭有執籥。澗阿有考槃。請渠勿投筆。努力以加餐。

出洛陽城

輓朝上天津。伊闕當我前。連峰左右起。奔走相後先。古來五岳內。嵩高極中天。儀刑正四表。襟帶流三川。河山固玉室。豈直金城堅。漢業此中興。周都竟東遷。壯游快一覽。遺跡悲千年。頽垣舊誰築。野蔓淒朝煙。

題竹石小畫

玉堂仙人松雪公。寫竹正似石室翁。雲林道人雖後出。往

往落筆生秋風。吳人好書仍好畫。百年遺墨千金價。比來何處得此圖。松雪雲林此其亞。娟娟嫩玉纔數莖。烟梢雨葉縱復橫。洞庭寒骨沉水底。鐵索下取蛟龍爭。却憶江南舊池館。筆床棋局何蕭散。一行作吏事便廢。十年不歸夢欲斷。松雪子孫今幾人。雲林弟子誰逼真。得歸故鄉倘相覓。竹枝挂我頭上巾。

題李典儀雲東卷

母老今猶健。兒行久不歸。一官淹白日。萬里夢斑衣。越郡東溟闊。秦關西日微。只將雙淚眼。日日看雲飛。澄懷云如讀陳情表

許州

邱園莽蕭瑟。客子暮徘徊。山自鈞州起。河從鄭邑來。衣冠

餘古墓歌舞只荒臺。野哭誰家婦。秋聲助爾哀。

觀梅分韻

只道花如雪。何知鬢亦絲。客中今日臘。眼底去年枝。地暖春歸早。江寒月出遲。詩情似何遜。惆悵立多時。

送景德輝教授歸越中

澄懷按此詩或作宋景濂送許時用詩誤

斗酒都門別。孤帆水驛飛。青雲諸老盡。白髮幾人歸。風雨魚羹飯。烟霞鶴氅衣。溪山無限意。余亦夢柴扉。三四含蓄感慨

晚至晉寧州

落日孤城小。輕烟一水斜。青山蒙氏險。綠樹楚人家。絕塞無來鴈。荒亭有噪鴉。多情此州尹。勸酒說京華。

建炎古槐

千尺高槐舊相門。傳聞南渡此移根。心經百歲風霜苦。身受三朝雨露恩。破穴中宵經電火。繁陰六月似雲屯。池臺錦繡知何在。幸爾青青尚獨存。

爲况伯章司稅題鶴湖草堂卷

飛塵不到鶴湖邊。隱者堂成似列仙。弱水蓬萊三萬里。人民城郭一千年。煮茶風雪烟浮樹。載酒空明月滿船。此趣直忘身與鶴。揚州何意問腰纏。

高郵夜泊

城頭月色見觚稜。城下官河夜欲冰。返照疎林皆野燒。殘星別浦是船燈。腐儒食祿曾無補。倦客思家已不勝。春雨五湖烟水濶。荷蓑歸去下魚罾。巽隱襟抱高澹故詩中多見思歸之意

送安處善稅使之官青州

置酒直傾囊底錢。都門醉別意茫然。人生白髮屐幾緡。子
去青州路一千。鴉背夕陽。江雨外馬頭秋色。岱雲邊大梁
東接齊封近。書信頻煩。使者傳。

爲黃伯昂題君山別業畫卷

畫圖林壑起雲烟。使者高懷寄靜便。背郭真成浣花屋。看
山如坐洞庭船。柴門黃葉鄰僧掃。石徑蒼苔野鹿眠。如此
故巢勞遠憶。只應頭白是歸年。

入益門

蜀關秦嶺路初分。疊嶂層崖日易曛。飛棧下臨千尺礮。行
人上出半山雲。高堂烟霧曾貪畫。險道風湍卻厭聞。萬里
敢辭筋力盡。捐軀未足報吾君。

嵩盟九日次井泉百戶韻

天涯九日一登樓。應被黃花笑白頭。脫帽不妨同醉倒。拂
衣安得便歸休。山盤晴谷深藏寺。水縮寒溪淺露洲。上馬
荒城向昏黑。莫教鼓角起邊愁。

晚至安寧

連然驛路馬曾諳。落日行人思不堪。地極九州銅柱北。山
盤六詔鐵橋南。湯池水底皆陰火。鹽井烟中半夕嵐。迴首
蓬萊天萬里。忍教塵鬢白毵毵。奇作

自姚安出普溯

層關飛鞚出寒雲。萬木歸鴉亂夕曛。山自蜻蛉川口合。路

從鸚鵡嶺西分道傍築室新成市塞上屯田久駐軍遠客
誰無鄉土念悲笳吹動不堪聞

過趙州

青山環抱水爭流行盡雲州入趙州四埜耕耘多樂歲諸
蕃斥堠不防秋過橋花竹前村近入谷松蘿小寺幽妻子
誰能免相憶他鄉雖好莫淹留

鄧川州驛

平岡走馬神摩洞荒驛聞雞鄧賧川丹壑洩雲朝翳日玉
泉陰火夜生烟一年殘歷愁來檢萬里新詩老去編山水
不殊人事異中原歸計正茫然

留洱西驛因過三塔寺

眼中城郭與山川坐我江南菴畫船雲氣半峰飛白雪水
光一鏡落青天野墻櫻樹人家住官路梅花驛使傳最是
禪房聽梵唄此心能洗百憂煎

鶴慶驛會吳人馮廣文閩人林稅使

馬蹄蹴徧陰厓雪直向居庸塞外行日落忽聞牛背笛川
平始見鶴州城秋風千里尊絲滑暑雨三山荔子生遷客
相逢話鄉土天涯何限未歸情

出龍尾關之永昌

崎嶇萬里入遐陬尙覺山川是壯游倒海鯨波奔石馬極
天鳥道鑿金牛昔人於此成三窟老我而今隘九州生入
玉門班定遠未歸能不悔封侯

陪臨安府官僚游龍潭

臨安山水似江南。天氣况當三月三。往往揮毫逢鶴整。行騎馬過龍潭。載歌白雪誰能和。試飲清泉亦不貪。記取人家畫闌曲。桃花一樹倚春酣。

題王理問宜休亭畫卷

老來多病懶衣冠。結得閒亭日倚闌。豈為好名聊傲世。正緣知止欲辭官。三更海氣雲霞赤。六月樹聲風雨寒。歸到閩中舊臺觀。不須山水畫圖看。

送劉教授致仕歸金華

六十看山眼未昏。草堂歸去臥烟村。朝廷已許乞骸骨。衣食未須憂子孫。上馬天風吹席帽。落帆江月到柴門。美芹

炙背區區意。他日難忘獻至尊。

和貝惟學登小孤山

西來風浪湧金山。人在鴻濛沈澗間。大地小孤天柱石。長江第一海門關。鮫人夜泣珠成淚。龍女晴梳翠作鬟。欲問靈巫報神語。我行何日定東還。

雙燕

不歸山上宅。烟柳暗春郊。多媿雙飛燕。年年覓舊巢。

宿晉寧

漢婦良家子。從軍歲月多。生來小兒女。唱得楚人歌。凄婉

舟中雜興

十日舟行不見山。沙河多似蔡河灣。舟人忽報安豐近。指

點數峰烟雨間

題畫送人歸越中

十年歸夢落滄波。一日飛帆渡浙河。指點南山最青處。故巢依舊白雲多。

揚州

揚州城下是官河。春雨春風自綠波。欲問繁華舊時事。太平遺老已無多。城門疎柳噪寒鴉。柳外青旗是酒家。無復春風舊桃李。行人不必問瓊花。

華陰駐馬橋

絕谷層關路屈盤。斜岡側嶂石巒岏。今朝駐馬橋頭立。華

岳三峰正面看。

題山水小畫

太湖三萬六千頃。七十二峰湖上山。草閣酒醒風雨過。棹歌聲在水雲間。

附錄

郭登九首

登字元登武定侯英孫也七歲能詩文及長博聞強記善議論好談兵洪熙時授勳衛正統五年從王驥征麓川七年從沐斌征騰衝功皆最十四年土木之變以都督僉事守大同也先擁帝北去經城下謀遣壯士劫營迎駕不果景帝監國進都督同知充總兵

官也先犯京師將率所部入援先馳蠟書奏至敵已退帝優詔褒荅進右都督元登計京兵新集不可輕用上用兵方略十餘事景泰元年偵知寇騎數千自順聖川入營沙窩率兵大破之斬獲甚衆邊將自土木敗後畏縮無敢與寇戰元登以八百人破敵數千騎軍氣爲之一振以功封定襄伯其後也先數入寇元登輒擊却之敵氣懾卒歸上皇二年以疾召還初英宗過大同遣人謂元登曰朕與登有姻何拒朕若是元登奏曰臣奉命守城不知其他英宗銜之及復辟以事謫戍甘肅憲宗卽位詔復伯爵成化八年卒贈侯謚忠武元登事母至孝居喪秉禮爲將兼智

勇紀律嚴明料敵制勝動合機宜其詩嘗自編定而先之以父鉦兄武之作凡二十二卷名聯珠集又有春秋左傳直解

朱錫鬯曰定襄力扞牧圉功存社稷聯珠一集繼父兄掉鞅詩壇西涯以爲明初武臣之冠豈惟武臣卽一時臺閣諸公孰出其右錫山俞汝成乃謂可式後之爲勳衛者是瞽者之言也

汪端論曰定襄詩氣韻沉雄格調適上當風雅衰時得此可謂空谷足音匪僅爲兜鍪生色也竹垞盛推其山王楸樹詠梟諸篇然山王詩尙不失文昌仲初家法楸樹則縱筆揮洒漫無指歸詠梟尤墮盧仝馬

異惡習故均舍之定襄擅長固不在是矣

題蔣廷暉小景

我家南山下柴門別經久不知今春來新添幾株柳清江
閑釣竹鷗鷺還來否對此忽相思長歌獨搔首

送岳季方還京

登高樓望明月明月秋來幾圓缺多情只照綺羅筵莫照
天涯遠行客天涯行客離鄉久見月思鄉搔白首年年長
白送行人折盡邊城路傍柳東望秦川一雁飛可憐同住
不同歸身留塞北空彈鋏夢繞江南未拂衣君歸復喜登
臺閣風裁稜稜尚如昨但令四海歌昇平我在甘州貧亦
樂甘州城西黑水流甘州城北黃雲愁玉關人老貂裘敝

苦憶平生馬少游

哀征人

天迷離水嗚咽戰馬無聲寶刀折冤鬼悽酸啼夜月青燐
熒熒明又滅照見征夫戰時血

自公安至雲南辰沅道中謁山王祠

山王廟在山深處烏鴉亂啼烏桕樹神威猙獰怖殺人朱
吻長牙眉倒豎紅綃抹頭袍袖結手按黃蛇啗其舌短碑
不題神姓名蕪詞漫書唐歲月陰風颯颯吹靈旗夜聞甲
馬空中嘶老巫開門馬無跡但見狐鳴鬼嘯鶴鷄啼山前
居民種禾黍歲歲祈晴復祈雨神靈不靈誰得知老巫分
明作神語往來行人多再拜爐中無香畏神怪唱歌打鼓

焚紙錢。蒼鷺白。羊朝暮。賽。還把殘餘拋野草。神意歡欣。烏亦飽。老巫丁寧客。無慮萬水千山放心去。

過安南衛

絕頂見孤城。征驂向曉行。鳥啼多異響。花發不知名。石澗閒雲。礧山田趁火。畊愁聞耆老說。三月未曾晴。

保定塗中偶成

白壁何從摘舊瑕。纔開羅網向天涯。寒窗兒女燈前淚。客路風霜夢裏家。豈有酖人羊叔子。可憐憂國賈長沙。獨醒空和騷人詠。滿耳斜陽噪晚鴉。

甘州卽事

黑河如帶向西來。河上邊城自漢開。山近四時常見雪。地

寒終歲不聞雷。牦牛互市番城出。宛馬臨關漢使回。東望玉京將萬里。雲霄何處是蓬萊。

送牟秉常之甘州

誰折梅花寄隴頭。夕陽低處是甘州。秦關蜀道還家夢。白草黃雲出塞愁。江上秋生張翰棹。月中人倚仲宣樓。壯懷且賦從軍樂。定遠曾封萬里侯。

入緬征寇早發金沙江

征帆如箭鼓聲齊。舟渡金沙更向西。石棧夜添蠻雨滑。曉江晴壓瘴烟低。水邊烏鬼迎人起。竹裏青猿對客啼。又隔滇陽幾千里。桐華榕葉晚淒淒。

劉績七首

續字孟熙山陰人貢性之之甥深於經學教授鄉里
不干仕進家貧轉徙無常地所至署賣文榜於門有
所得輒市酒樂賓客緣手而盡嘗有客至呼茗久不
出怪之其妻方拾破紙以代爇薪一笑而已家有西
江草堂人稱西江先生所著有嵩陽集又有三禮圖
六樂圖春秋左傳類解霏雪錄諸書

顧玄言曰孟熙山陰名家屬興豪華才思雄健

題西陵送別圖送姚進士

悠悠復悠悠。風吹江上舟。今朝天色好。送客西陵頭。西陵
在何許。羃歷春郊樹。搔首望行人。迢迢上京路。京路一千
程。官梅照眼明。春風濃似酒。難浣別離情。別離餘幾日。佇

得君消息。折取杏園花。慰我長相憶。相憶夢相仍。高樓只
自登。春潮知我意。日夜向西陵。

送友人

芳草綠尚淺。故園春未殘。平生爲客慣。今日別君難。短櫂
吳歛曲。哀絲楚女彈。江花正滿眼。且莫下長干。

送王內敬重戍遼海

別淚不可忍。杯行到手空。風塵重作客。寒暑易成翁。曙色
連關樹。秋聲起塞鴻。天涯見親友。還與故園同。

結客行

結客千金盡。酬恩一劍存。羞爲狗盜伍。不傍孟嘗門。豪語

征夫詞

